



宋元詩會卷之十三

阮桐陳

焯默公輯選

後學程

仕松皋叅校

蔡襄

字君謨仙遊人舉進士為西京留守推官館閣校勘范仲淹以言事去國余靖論救之尹洙請與同貶歐陽修移書責司諫高若訥由是三人皆生譴襄作四賢一不肖詩遠近傳誦進知館兼修起居注益任職論事多裨國體以老然俄直史館修起運使復修起居注唐介忤宰相求知福州改福建路轉運使成後追冊請勿立忌併罷監春州襄力爭之得改英州溫成後追冊請勿立忌併罷監護園陵官三御史論梁適解職襄不草制帝遇之益厚賜其母冠帔示寵遷龍圖閣直學士拜端明殿學士再知福州召為翰林學士三年司使乞知杭州拜端明殿學士再知福州召丁母憂明年卒年五十一

六贈吏部侍郎謚忠惠

楊叔武北堂夜話

歲晏物景薄層陰向晚饒輕雲隱微月殘雪棲枯條夫君有高適顧我慰寂寥瀟灑開北堂拂榻延良宵前几陳古書坐見千

載遙間亦發新句幽思含九韶神明靜外照念慮醉中消揚雄
戒丹轂顏子安一瓢良玉不火變翠栢寧霜彫此心固獨往聲
利詎得招

遊鼓山靈源洞

碕樓瞻東方嵐光瑩人目乘舟逐蚤潮十里登南麓雲淡翳落
花樹暗迷幽谷朝雜亂木魚晏日明金屋靈泉注石竇清吹出
篁竹捫蘿躋上峰大空延眺矚孤青浮海山長白挂天瀑况逢
肥遯人性尚自幽獨西景復向城淹留未云足

寄題滁洲豐樂亭

君為滁上守乘閒務幽尋羣從留山阿美望窮前林良譙追佳
賞高亭曠遐臨烟雲無定姿水石惟清音靜見魚鳥適遙聳雞
犬深時節屢豐有民里無欺侵豈獨延衆物因茲託冲襟大筆

每絕唱芳樽寧孤斟別日念已長來期詎能今安得凌風翰相
從彈歲陰

出東門向北苑路

曉行東城隅光華著諸物溪漲浪花生山晴鳥聲出稍々見人
烟川原正蒼鬱

丙申秋過漁溪驛舊有梅數株嘗題詩記今無有也

曾把蚤梅枝思君枉別離別離雖云遠萬里終還期樹柘根已
撥人去復何之故館動秋色雲物歲曦清香不可聳哀草空繁
滋一夜平堦雨輾轉良自知

訪天台菴

幽人去未還門戶和雲閉亭午樹陰圓溪冬泉響細寒生羣蟲
蟄清徹孤鶴唳寂寞傍山歸寫向滄溟際

留別舊居花檻

別意起中夕出門風吹衣側月光艷薄餘花香氣微清尊歲相
向欲去心有違殘葩勿盡放主人行亦歸

翠巖寺

攬蔓岩扃峻交繩寶界平斜峰約雲勢密樹起秋聲泉檻妨蛩
響霜樓助月明冥筌兼灑落警句一何清

夏晚南野

夏竹圍前檻涼襟析舊醪疊雲封日茜斜雨著虹明魚動池開
暈蟬移樹減清葭洲烟向暝鳧鷺自相迎

蕪陰樓上

野馬沈寒氣神禽度暖風斷霞天共紫斜日樹齊紅山江橫虛
釣江隈跋遠蓬解窮千里日爭奈思無窮

和丘提刑葺新鴈寄度支

翔鴈來江渚秋容托遠空幾聲疎樹外一字斷雲中虛館坐簷
月平泉敗葉風裁詩託幽思幽思更無窮

送別陳比部

祖向西郊道川原畫閣臨燒痕經雨活樹色入谿深斜日明春
態孤雲感客心何人知別意重把酒杯斟

洪澤阻風

今日風期惡遲迴一水濱村旗呈酒聖廟鼓賽河神躍鯉曾驚
網饑鳥不避人篙工時借問何處即通津

開州園縱民遊樂

風日朝來好園林雨後清遊魚知水樂蝶戲見春晴草輦迷行
迹花深隱笑聲觀民聊自適不用管絃迎

奉酬王知縣賞春不預以詩見贈

仙取翠觀盡繁英
朱白相兼照眼明
池浸嵐光生晚碧
鳥驚人語斷春聲
談諧遽喜開懷久
訛說終慙走筆成
佳致可能陶靖節
庭柯斜盼獨忘情

過天津橋

日暖溪平水漸銷
水聲纔下內前橋
山川滿眼閔宮殿
草樹迷人舊市朝
每向尋春偏有意
却成懷古更無聊
洛陽平昔多豪俊
惆悵埋魂不可招

宿延平津

鳴籟蕭森萬木聲
濃嵐環合亂峰青
樓臺矗處雙溪會
雷電交時一劍靈
曉市人烟披霽旭
夜潭漁火鬪寒星
畫屏曾指孤舟看
今日孤舟在畫屏

晝寢宴坐軒憶與蘇才翁會別

投涼下馬卧僧家
遶簟清風卷絳紗
修竹滿前微雨過
遠山無際薄雲遮
武侯舊隱人應到
閩嶠孤城日自斜
解與塵心消百事
更開新焙煮靈芽

丙申五月遊興化西門上溪

尋谿偶過上溪遊
雨後溪渾水亂流
因傍堤松却飛蓋
為聳山鳥輟鳴騶
平田穉稂青雲合
滿谷芭蕉碧玉抽
開濟無功須蚤去
故時瓜隴有通侯

和江上觀潮

地卷天回出海東
人間何事可爭雄
千年浪說鷓鴣吟
一沸全疑渤澥空
寂靜最宜聳夜枕
崢嶸須待駕秋風
尋思物理真難測
隨月虧圓亦未通

遣興

苦竹生筍四五寸櫻桃開花千萬枝空濛野色當樓處索寞春
寒帶雨時已放清歌逐瑤管旋芻新釀行金卮衰翁酩酊自為
樂舉鞭不問并州兒

上巳日州園東樓

地上多于枝上花東樓凝望惜年華潮頭正對伍胥廟燕子爭
歸百姓家粉籜漸高山徑筍綠旗初展石巖茶流芳自與人兼
老樽酒相逢莫重嗟

杭州璘上人以花數種見寄

名卉參差十數科商舡千里任風波土花分破根株小春色隨
來意緒多欲種更看移樹法將開須用傍欄歌中年漸不勝杯
酌紅翠他時奈爾何

陪尹子漸申安禮宿香山寺

二月已強半尋春登石樓山光侵暮變草色到雲休歸鳥沈巖
際行人過樹頭剝苔看石碣因火認魚舟漸夜灘聲惡憑虛屋
勢浮乘閒聊自適觴詠屬吾流

宿漁梁驛

庭樹疎疎河漢低瓦溝霜白月平西寒鴉不奈單棲苦落泊驚
飛到曉啼

入天竺山留客

山光物態弄春暉莫為輕陰便擬歸縱使晴明無雨過入雲深
處亦霑衣

徐虞部以龍尾石硯邀余第品仍授來使持還書府

玉質純蒼理緻精鋒鋌都盡墨無聲相如間道還持去肯要秦

八十五城

梅堯臣

字聖俞宣城人侍讀學士詢從子也工為詩以深遠古澹為宗初用蔭官桐城主簿調河南留守錢惟演見而嗟賞之歐陽修與為詩友自歎不及歷德興建德襄城縣令監稅湖州大員在館閣召試賜進士出身為國子監直講累遷尚書都官員外郎預修唐書未成卒有宛陵集四十卷

野田行

輕雷長波水農事乃及辰茅旌送山鬼瓦鼓迎田神青臬暗藏雉萬木欣已春桑間偶耕者誰復來問津

過開封古城

荒城臨殘日雞犬三四家豈復古阡陌但問新桑麻頽垣下多穴所窟狐與蛇漢兵墮銅鏃青血為土花

寄靈隱通教僧

竒山青若洗草木生石上根萌不可窮條蔓自增王其陰有高僧日食惟一盃世人久已疎猿鳥應相向

秋夜感懷

風葉相追逐庭響如人行獨宿不成寐起坐心屏營哀哉齊體人魂氣今何征曾不如隕籜繞樹猶有聲涕淚不能止月落荒雞鳴

陽翟縣城凝嵩亭

西北望嵩色憶上太室時陟彼已不淺生此安能知誰棲絕壁下但見前峰危正與曩未異目存迹焉追

追詠崔奉禮小園

前此訪君時已觀堂宇邃安知中屏開自有幽林致花蹇巖桂紅石擎雲根翠正當秋風來不見搖落意

夜聽鄰家唱

夜中未成寐鄰歌聾所稀想像朱唇動髣髴梁塵飛誤節應偷
笑竊聽起披衣須臾曲已終牕月存餘暉

寄題滁州醉翁亭

琅琊谷口泉分流漾山翠使君愛泉清每來泉上醉日暮使君
歸野老紛紛至但留山鳥啼與伴松間吹

秋日村行

谿霧書盡山山村夜初晦饑禽來往飛遠樹青紅碎原上楚牛
牧屋頭吳婦碓雞肥酒已熟野老邀同輩

彼鴛吟

斲木喙雖長不啄栢與松松栢木堅直中心無蠹蟲廣庭木云
美不與松栢比臃腫質性虛朽蝎招猛甯主人赫然怒我愛爾

何毀彈射出窮山羣鳥亦相喜啁啾弄好音自謂得天理哀哉
彼鴛禽吻血徒為爾鷹鷂不搏擊狐兔縱橫起况兹樹腹始力
去且濱歎

范饒州坐中客語食河豚魚

春洲生荻芽春岸飛揚花河豚當是時貴不數魚鰕其狀已可
怪其毒亦莫加忿腹若封豕怒目猶吳蛙庖煎苟失所入喉為
鏢鉚若此喪軀體何須資齒牙持問南方人黨護復矜誇皆言
美無度誰謂歿如麻吾語不得屈自思空吐嗟退之來潮陽始
憚餐籠蛇子厚居柳州而甘食蝦蟆二物雖可憎性命無舛差
斯味曾不比中藏禍無涯甚美惡亦稱此言誠可嘉

田家語

庚辰詔書凡民三丁籍一立校與長號弓箭手用備不虞主

司欲以多媚上急責罷吏罷吏畏不敢辨遂以屬縣令互探
民口雖老幼不得免上下愁怨天雨淫淫豈助聖上撫育之
意耶因錄田家之言次為文以俟採詩者云

誰道田家樂春稅秋未足里胥扣我門日夕苦煎促盛夏流潦
多白水高於屋水既害我菽蝗又食我粟前月詔書來生齒復
版錄三丁籍一壯要使操弓鞞州符今又嚴老吏持鞭扑搜索
稚與艾唯存跛無目田閭敢怨嗟父子各悲哭南畝焉可事買
箭賣牛犢愁氣變久雨鐺缶空無粥盲跛不能耕必在遲速
我聳誠所慙徒爾叨君祿却詠歸去來刈薪向深谷

冬雷

上帝設號令隱其南山下震發固有時曷常事憑怒春以動含
生夏以奮風雨冬其息不用藏在黃厚土我今來江南歲曆惟

建午如何小雪前向曉疑鳴釜蛟蛇龜蟲厄鱗裂口塊吐蝦蟇
不食月深窟僵兩股天公豈物欺若此洎時序或言非天公實
乃陰怪主嘗觀古祠畫牛首推連鼓黑雲雜狂飈相與為肺腑
是不由昊穹安能順寒暑吾因考厥事復以驗莽鹵市井欺量
衡定知不活汝元惡逆大倫弗如霹靂斧此豈曰無私故予未
所取必恐竊天威似將文法侮焉顧五行錯詎畏萬物覩欲扣
九門陳恨身無鳥羽

偶書寄蘇子美

君詩壯且奇君復妙二者世共寶一得亦難料我今或盈
軸體逸思亦峭有如秋空鷹氣雁城雀鷓又如飲巨鍾一舉不
能醕既醕心已醉顛倒視兩曜吾友有永叔勁正語多要嘗評
吾二人放檢不同調其於文字間苦硬與惡少雖然趣尚殊握

手幸相笑

月下懷裴如晦宋中道

九陌無人行寒月淨如水洗然天宇空王井東南起我馬臥我
庭帖帖垂頸耳霜花滿黑鬣安欲致千里我僕寢我廐相背背
兩已夜深忽驚魘呼若中流矢是時興我懷顧影行月底唯影
與月光舉止無猜毀吾交有裴宋心意月影比尋常同語默肯
問世俗子

飲劉原甫家原甫懷二古錢勸酒其一齊之大刀長五寸

半其一王莽時金錯刀長二寸半

主人勸客飲勸客無天妍欲出古時物先謂射以年我料孔子
履久化武庫烟固知陶氏技飛來風雨天世無軒轅鏡百怪爭
後先復看豐城劍已入平津淵聊警二百載儻有書画傳嗚呼

纔十一便言傾觥船探懷發二寶太公新室錢獨行齊大刀鎌

形末環連文存半辨齊背有模法圓次觀金錯刀一刀平五千

其文如此精銅不蠹蝕肉好鈎婉全為君舉酒盡跨馬月娟娟

再同江鄰幾陳和叔學士集劉舍人宅觀白鷗孔雀鳧鼎

周亞夫印鈿玉寶赫連勃勃龍雀刀

主人鳳凰池二客天祿閣共來東軒飲高論雜諧謔南籠養白

鷗北籠養孔雀素質水紋織翠毛金縷薄大誇鳧柄鼎不比龍

頭杓玉印傳條侯字辨亞與惡鈿劍刻辟邪符寶殊制作末觀

赫連刀龍雀鑄鏗鏘每出一物玩必勸衆賓酌又令三雲髻行

酒何焯約固非世俗驩自得閱古樂聖賢泯泯去安有不歿藥

竟知不免此焉用強檢縛開目即是今轉目已成昨歸時見月

上酒醒見月落恍然如夢寐前語誠不錯

韻語答永叔內翰

世人作肥字正如論饅頭厚皮雖然佳俗物已可羞字法歎中絕今將五十秋近日稍稍貴追蹤慕前流曾未三數人得與古昔儔古人皆能書獨其賢者留後世不推此但務於書求不知前日工隨紙泯已休顏書苟不佳世豈不寶收設如楊凝式言且直節修又若李廷中清慎實罕侔乃知愛其書兼取為人優豈書能存久賢哲人焉度非賢必能此惟賢乃為尤其餘皆泯泯歿去同馬牛太尹歐陽公昨日喜疾瘳信筆寫此語語可忘病憂黃昏走小校寄我東郭陬綴之輒成篇聊以助吟謳

諭鳥

百鳥共戴鳳惟欲鳳德昌願鳳得其輔咨爾孰可當百鳥告兩間惟鳥最靈長乃呼鳥與鵲將政庶鳥康鳥時來佐鳳署置且

非良咸用所附已欲同助翱翔以鷺代鴻雁傳書識暄涼鸚鵡代鸚鵡剝舌說語詳禿鶴代老鶴乘軒事昂藏野鶉代雄鷄瓜甯稱擅場雀豹代鸚鵡搏擊肅秋霜蝙蝠常入幕捕蚊夜何忙老鷗啄臭腐盤飛使游揚鶴鷗與臬鵬待以為非常一朝百鳥厭讒鳥出遠方鳥伎亦止此不敢戀鳳傍養子頗似父又貪噪豺狼為鳥鳥不伏獸肯為爾戕莫如且斂翮休用苦不量吉凶豈自了人事亦交相

初冬夜坐憶桐城山行

我昔吏桐鄉窮山屐屢躡路險獨後來心危常自怯下顧雲容容前溪未可涉半崖風颯然驚鳥爭墮葉修蔓不知名丹竇坼在茨林端野鼠飛綠挽一何捷馬行聳虎氣豎耳鼻息歎遂投山家宿駭汗衣尚浹歸來撫童僕前事語妻妾吾妻常有言艱

勤壯時業安慕終日閒笑媚看婦厲自是甘努力于今無所懾
老大官雖暇失偶淚滿睫書之空自知城上鼓三疊

寄歐陽永叔滁州

昔讀韋公集固多滁州詞爛熳寫風土下上窮幽竒君今得此
麗名與前人馳君才比江海浩浩觀無涯下筆猶高帆十幅美
滿吹一舉一千里只在頃刻時尋常行舟艫傍岸撐牽疲有才
苟如此但恨不勇為仲尼著春秋貶骨嘗苦咎後世各有史善
惡亦不遺君能切體類鏡照媠與施直辭鬼膽懼微文姦魄悲
不書兒女書不作風月詩唯存先王法好醜無使疑安求一時
譽當期千載知此外有脆可以奉親慈山蔬采筍蕨野膳獵麇
麋鱸膾古來美臯鹵今且推夏果亦瑣細一一舊頗窺圓尖剝
水實青紅摘林枝又足供宴樂聊與子所宜慎勿思北來我言

非狂癡洗慮當以淨洗垢當以脂此語同飲食遠寄入君脾

和王仲儀詠瘦二十韻

汝水出山險汝民多病瘦或如鷄精滿或如猿嘍並女慚高掩
襟男大濶裁領飲水擬注壺吐詞伴有鯁樗里既已聳杜預亦
不幸秦人號智囊吳瓠繫狗頸臙赬常住頤伶仃安及脛只欲
仰問天無由俯窺井挾帶歲月深冒犯風霜冷厭惡雖自知剖
割且誰肯不唯羞把鏡仍亦愁弔影內燎煩羊羴外砭費針穎
在木曰楠榴剝之可為皿此誠無所用既有何能辟音屏膨脝側
無首臃腫異臚頂難將面目施可與胎胞逞賢哉臨汝守世德
調金鼎氓俗雖醜垂教今日修整風土恐隨遷最昏憂屢省儻
欲便慈顏名城不難請

憶將渡揚子江

月暈知天風舟人夜相語平明好挂帆白浪湏出浦此身猶在
吳歸夢預到楚今日念同來吾妻已為土

鴨雛

春鴨日浮波羽冷難伏卵嘗因鷄抱時託以鷄窠暖三旬卵既
坼羽毛寒脰短鷄寧辨其雛翅擁情款款一日向水涯所稟殊
未斷泛然去中流鷄呼心寘寘人之苟異懷負義不足笑有志
在毓養勿論報德限

答宣城張主簿遺鴉山茶次其韻

昔觀唐人詩茶詠鴉山嘉鴉銜茶子生遂同山名鴉重以初槍
旗采之穿烟霞江南雖盛產處處無此茶纖嫩如雀舌煎烹比
露芽競收青弱焙不重漉酒紗顧渚亦頗近蒙頂來以遐雙井
鷹掇瓜建溪春剝葩日鑄弄香美天目猶稻麻吳人與越人各

各相關夸傳買費金帛愛貪無 華甘苦不一致精麤還有差
至珍非貴多為贈勿言些如何煩縣僚忽遺及我家雪貯雙砂
甕詩琢無玉瑕文字按怪竒難於抱長蛇明珠滿紙上剩畜不
為奢玩久手生胝窺久眼生花嘗葺茗消肉應亦可破痕飲啜
氣覺清賞重歎復嗟歎既不足吟誦又豈加我今實強為君
莫笑我耶

得雷太簡自製蒙頂茶

陸羽舊茶經一意重蒙頂比來唯建溪團片敵湯餅顧渚及陽
羨又復下越茗近來江國人鷹爪誇雙井凡今天下品非此不
覽省蜀芽久無味聲名謾馳騁因雷與改造帶露摘牙穎自煮
至揉焙入碾只俄頃湯嫩乳花浮香新舌甘永初分翰林公豈
數博士冷醉來不知惜悔許已向醒重思朋友義果決在勇猛

倏然乃以贈蠟囊收細梗吁嗟茗與鞭二物誠不幸我貧事事無得之似贅瘦

堪澗晝夢

誰謂公無知每出輒來夢豈其憂在途似亦會相送初看不異昔及寤始悲痛人間轉面非清魂歿猶共

靈樹鋪夕夢

晝夢同坐隅夕夢立我左自置五色絲色透縑囊過意在留補綴恐衣或綻破歿仍憂我身使存心得墮

武陵行

生事在漁樵所居亦烟水野艇一竿絲朝朝狎清泚忽自傍藤陰乘流轉山甯始覺景氣佳潛通小谿裏常時不見春入谷驚花藥幽興窮綠波翫芳心莫已花外一峰明林間碧洞啟遙聳

鷄犬音漸悟人烟邈

挾彈篇

長安細侯年尚少獨出春郊不須曉手持柘彈霸陵邊豈惜金丸射飛鳥金丸射盡飛鳥空解衣市酒向新豐醉倒銀餅方肯去去臥紅樓歌吹中不管花開與花老明朝還去杜城東

使風

跨下橋南逆水風十幅蒲帆彎若弓淮波帶日魚鱗紅岌岌飛上北斗中龜山始撞人定鐘岸草蒞蒞鳴秋蟲

余居御橋南夜聳妖鳥鳴傲昌黎體

都城夜半陰雲黑忽聳轉轂聲尹叻嘗憶楚鄉有妖鳥一身九首如贅疣或時月暗過閭里緩音低語若有求小兒藏頭婦滅火閉門鷄犬不爾留我問楚俗何苦爾云是鬼車載鬼遊鬼車

載鬼奚所及抽人之筋繫車軸昔聽此言未能信欲訪上天終
無由今來中土百物正安能遂與南方儔上帝因風如可達願
令驅逐出九州

永叔寄澄心堂紙二幅

昨朝人自東郡來古紙兩軸絨滕開滑如春冰密如繭把玩驚
喜心徊徘徊蜀箋脆蠹不禁久刻楮薄輒還可哈書言寄去當寶
惜慎勿亂與人剪裁江南李氏有國日百金不許市一枚澄心
堂中唯此物靜几鋪寫無塵埃當時國破何所有帑藏空竭生
莓苔但存圖書及此紙輦入都府非珍瓊于今已踰六十載弃
置大屋墻角堆幅狹不堪作詔命聊備麤使供鸞臺鸞臺天官或
好事持歸秘惜何嫌猜君今轉遺重增愧無君筆札無君才心
煩收拾乏匱積日畏捲裂防嬰孩不忍揮毫徒有思依依還起

子山哀

同蔡君謨江鄰幾觀宋中道書畫

君謨善書能別書宣獻家藏天下無宣獻既没二子立漆匣甲
乙收盈廚鐘王真蹟尚可都歐楮遺墨非因模開元大曆名流
夥一一手澤存有餘行草楷正大小異點畫勁婉精神殊坐中
鄰幾素近視最辨纖悉時驚吁逡巡蔡侯得所得索硯鋪紙纔
須臾一掃一幅太快捷檀溪躍過瘦的盧觀書已畢復觀畫數
軸江吳種稻圖稻苗秧秧水拍拍羣鷺矯翼人荷鋤陂塍高下
石籠密竹樹參倚荆籬疎大車立輪轉流急小犢欺顧稚子驅
令人頻有故鄉念春事况及蠶桑初虎頭將軍画列女二十餘
子抱裙裾許穆夫人尤窈窕因誦載馳誠起余余無書性無田
區美人雖見身老癯舉頭事事不稱意不如倒盡君酒壺

觀何君寶畫

燕馬易畫吳牛難圖馬骨應細牛骨麤馬毛要密牛毛疎麤疎
必辨別細密多模糊乃知戴嵩筆能出韓幹徒韓馬精神在韁
勒嵩牛怒鬪無牽拘昨日何家觀小軸絹雖破爛色不渝二頭
相觸角競犄前脚如跪後脚舒尾株榻直脊脊感筋力寫畫蹄
腕殊一勝一敗又苦似勝者狠逐敗者趨卷窮赤印置小字置
字乃是陶尚書尚書國初人愛畫收幾厨買時不惜金與帛帛
載羊車錢載驢後世兒孫不能保賣入窮市無須吏凡目矜新
不重故千錢酬直皆笑愚四牛遂為何氏有裝背入眼天下無
坐中吾儕趣已異又喜玄女傳兵符此本實稱閻令画下筆簡
細容顏姝三人鬼狀一牛首八女二十美丈夫黃帝中間蔭葩
蓋霞扇錯玳旌擁朱冠服難知歲月遠但見儀衛森清都復觀

鹿臺獨夫受妲已不笑何由娛酒池肉林騎行炙剖心斲脛堪
悲吁數幅吳王宴西子綵舟張樂當姑蘇宮娥數百族高下鬢
髻一一紅芙蓉危峰細浪得平遠前對洞庭傍大湖商紂夫差
可壘誠歷世傳玩參盤孟雕鷹草木不足記特詠此事心何如

觀楊之美画

天官乘車建朱旗赤幡前亞風卷披二龍緩駕蒼髯坐印箱傍
挈文籍隨雙駮推輓如畏遲行從冠服多威儀水官自有真龍
騎兩佐並跨鯨尾螭步趨羣吏怪眼睂雲生海面無端涯雷部
處上相與期人身獸爪負鼓馳後有同類挾且槌次執電鏡風
囊吹青蛇有角魚足髻上下引導神所施地官既失不可知此
画傳是閻令為設色解潤筆法奇絹理膩滑鷄子皮吳生龍王
多裂隳八軸展玩忘晨炊李成山水曉景移黃荃花竹雀擁枝

韓幹馬本模榻時神駿都失存毫釐日高腹枵眼背眇邂逅獲見何言疲厚謝主翁意不衰他日飽目看無遺

和江鄰幾景德寺避暑

垤蟻不應雨鳴鳶不生風鬱氣若甌炊初陽如火紅裸膚汗交流脂體膏將鎔龍頭費挹酌犢鼻彊遮蒙常畏俗物來去避青蓮宮廣堂鋪琉璃高簷蔭梧桐廊壁畫地獄獄具鑊鋸春鐵城何炤炤鐵林亦彤彤誰知炮烙久活間傳自西域黃面翁正類人世苦此熱聲利役使亡西東京師貴貨幾椽舍窮煎相似聒欲聾屋頭朝爨作飲食枕底夕艾驅蚊蟲宜爾近巷江夫子賦詩特壓塵土中

蔡君謨示古大弩牙

黃銅弩牙金錯花銀闌線齒如沙上立準度可省括箭溝三道

前直窾其度四寸寸五刻漆光歷歷無纖差蔡侯出此問誰得往年客遺來瑯琊瑯琊築城穿厚壤既獲磨洗爭傳誇莫知歲月孰製作精妙近世應難加發機高下枉分刻今人妄射功仍賒願侯擬之起新法勿使邊兵死似麻

許生南歸

大盤小盤堆明珠海估眩目迷精麤斗量八貢由掇拾未必一疵類無不貢亦自有光價此等固知魚目殊許生懷文頗所似暫抑安用頻增吁倚門老母應日望霜前稻熟春紅稭歸來爛炊多釀酒洗蕩幽憤傾盆盃九卿有命不愁晚朱邑當年是嗇夫

二十四日江鄰幾邀觀三館書畫錄其所見

五月祕府始暴書一日江君來約予世間難有古画筆可往共

觀臨石渠我時跨馬冒熱去開廚發匣鳴鑰魚羲獻墨迹十一
卷水玉作軸光疏疏最奇小楷樂毅論永和題尾付官奴又看
四本絕品画戴嵩吳牛望青燕李成寒林樹半枯黃荃工妙白
兔圖不知名姓貌人物二公對奕旁觀俱黃金錯鏤為投壺粉
障復画一病夫後有女子執巾裾牀前紅毯平圍爐牀上二妹
展髀繞牀屏風山有無画中見画三重鋪此幅巧甚意思殊
孰真孰假丹青模世事若此還可吁

和歐陽永叔啼鳥十八韻

南方窮山多野鳥百種巧口乘春鳴溪林參天不見日滿壑呼
嘯誰識名但依音響得其字因與爾雅殊形聲我昔曾有禽言
詩粗究一二啼喙情苦竹岡頭泥滑滑君時最賞趣向精餘篇
亦各有思致恨未與盡衆鳥評君今山颺日無事靜聽鳥語如

交爭提壺相與來勸飲戴勝亦助能勸耕我念此鳥頗有益如
欲使君勤以行勸耕幸且彊職事勸飲亦冀無獨醒杜鵑蜀魄
哭歸去小人懷土慎勿聽城頭春鳩自謂杜鵑巢輒處安得平
高窠喬木美毛羽哢葉底無如鶯口中調簧定何益下啄蚋
蚓孰曰清自餘多類不足數一一推本煩神靈我居中土別無
鳥老鴉鸛鴿方縱橫教雛叫噪日羣集豈有勸酒花下傾願君
切莫厭啼鳥啼鳥於君無所營

途中寄上尚書晏相公二十韻

驚聽入林鴉亂飛舞空落葉相追隨秋權摧物不見跡但使萬
古生愁悲登山臨水昔感別身作旅人安得宜單舟匹婦更無
婢朝餐每愧婦親炊平生獨以文字樂曾未敢恥貧賤為官雖
寸進實過分名姓已被賢者知疎愚生不謁豪貴守此退縮行

將衰潁州相公秉道德一見不以論高卑久調元化費精力猶
 且未倦刪書詩唐之文章剔蕪穢纖悉寧有差毫釐謂其耽學
 可與語便語淵與祛佗疑浮言近意不歷口直欲海窟擊蛟螭
 再拜膝前荷勤誨坐橐緗載歸忘饑解艇水驛無幾舍新詩又
 遣牙兵持上言行李覽物景聊可與婦陳酒卮下言狂斐頗及
 古陶韋比格吾不私相公貴且事翰墨我輩豈得專遊嬉今將
 蒿芹薦俎豆定亦不以微薄遺常令有詠無巨細當因川陸舟
 車貽日對順流思疾置老魚姦怯潛鱗鬣

晏公全集二百餘卷明嘉靖時嚴分

宜家尚有之後竟不可得見矣覽此詩為之慨然

送方進士遊廬山

長風沙浪屋許大羅剎石齒水下排歷此二險過湓浦始見瀑
 布懸蒼崖繫舟上岸入松徑三日踏穿新蠟鞋路盤溪谷出嶺

望後山日照前山霾偶逢風雨恐衣溼側倚石脇人相乘雨收
 不覺拄高處卻見童僕提攜偕水聲不絕鳥聲好藥草香氣侵
 人懷老僧避俗去足跣野客就澗開門闔樹崑隱映見寺剎層
 層杳杳躋雲階塢田將獲鳥雀橫秋果正熟猿猴齧東林淡蠶
 應似舊唯此足以待爾儕子心灑落撒然往我方塵垢難磨揩

秋雨篇

秋雨一向不解休連昏接晨終窮秋梅生不量仰天問神官夜
 夢言語周日月是天之兩目忽然生醫無藥瘳只知淚滴為赤
 子赤子豈悟天公憂天公哭霽灑涕落九州地祇不敢安泥潦
 已沒頭乃因從容詰神官后稷今在帝所不從前后稷知稼穡
 曾以筋力親田疇曷不告帝且輟泣九穀正熟容其收蚤時不
 泣此時泣憂民欲活反扼喉神官發怒鬣奮虬下土小臣安預

謀恐然驚覺汗交流樹上已聽呼雌鳩

和吳冲卿學士石屏

吳夫子佩銀龜乘天馬素怪奇忽得號略一片石其中白色圓
 如規又有樹與鳥画手雖妙何能為吳乃持問歐陽公比公曩
 獲猶可疑疑不為辨賦以詩詩辭粲粲明星垂復遣賣來使我
 和坐上鉅公俯睨之范侯實有揚雄學咸云此理難究推我歸
 滌慮反覆思義雖不經聊解頤月與太陽合朔時陽鳥飛上桂
 樹枝枝上作窠生羣兒人不知天公天公欲俾世間見影著石
 面如粘繭烏既不得去月亦不可移留為千古作好玩慎勿傾
 撲同玉碑時在唐書局與歐陽永叔王叔范景仁會食得所示詩

莫登樓

莫登樓脚力雖健勞雙眸下見紛紛馬與牛馬矜鞍轡牛服鞵

露臺歌吹聲不休腰鼓百面紅臂禱先打六么後梁州棚簾夾
 道多天柔鮮衣壯僕猓髭虬寶搥呵叱倚王侯夸妍鬪艷目已
 偷天寒酒醺誰爾俯倚檻心往形獨留有此光景無能游粉署
 淡沈空翠幃青綾被冷風颼颼懷抱既如此何須望樓頭

高車再過謝永叔內翰

世人重貴不重舊重舊今在歐陽公昨朝喜我都門入高車臨
 岸進船篷俯躬拜我禮愈下鬪從竊語音微通我公聲名壓朝
 右何厚於此瘦老翁笑言啞啞似平昔妻子信說如梁鴻自茲
 連雨泥沒脛未得謁帝明光宮冒陰履溼就稅地親賓未過知
 巷窮復聳傳呼公又至黃金絡馬聲瓏瓏紫袍寶帶照屋室飲
 水啜茗當清風邀以新詩出古律霜髯屢頷搖寒松因嗟近代
 貴莫比官為司空仍侍中今成冢丘已寂寞文字豈得留無窮

以此易彼可勿媿浮蒙有若送雨虹須臾斷滅不復見唯有明
 月常當空况我學不為買祿直欲到死攀軻雄一飯足以飽我
 腹一衣足以飾我躬老雖得職不足顯願與公去驩樂同驩樂
 同治田園潁水東

宋元詩會卷之十四

皖桐陳

焯默公輯選

後學程

仕松皋叅較

梅堯臣

下

同尹子漸王幾道訪郭三別墅不遇

秋野已成曠偶然幽興多茨居隔寒水柴戶蔭喬柯看竹曾留
 鳳攜朋不為鵝人歸碧苔徑應識屐痕過

送環州通判張殿丞亢

欲向蕭關外窮陰雪暗沙磧寒鴻雁少冰合水泉賒自有從軍
 樂應無去國嗟春風曾不到吹角寄梅花

新秋雨夜西齋文會

夜色際陰靈燈青謝客齋梧桐生靜思絡緯動秋懷小酌寧辭
 醉清言不厭諧誰憐何水部吟苦怨空階

送弟良臣歸宣城

喬木句溪邊秋光幾曲連將歸三畝宅遠寄下江船伴爾惟征雁悲余有暮蟬親朋如見問貧外似當年

鄭戡及第東歸後赴洋州幕

卻生方得桂王祭始從戎一舸辭吳會單車入漢中亂山雲木古側徑野泉通欲識風烟美心知故國同

明州推官鄭先輩

應幕海邊郡秋風千里歸隨湖吳榜駛轉浦楚山微野橘霜前熟江螿露下肥還家侯靈鵲人想罷鳴機

僧可真東歸因謁范蘇州

仲淹

姑蘇臺畔去雲壑付清機野策過寒水山童護衲衣松門正投宿竹笠帶餘暉誰愛杼山句使君應姓韋

瘳秀才歸衡山縣

千里倦為客秋歸鳥榜輕過林湘橘暗收潦楚江清晚泊親鷗鷺殘芳襲杜蘅長沙幾日到天際見高城

池州進士陳君惠然見過不日且行因以詩贈別

呼童具鷄黍頗謝故人期竹館忽停駕山樽聊解頤醉歌返北郭春雨生東陂便與千峰隔登高空復思

春陰

濃淡雲無定凄微氣宇寒鳩鳴桑葉吐村暗杏花殘客子行裘薄春塘野水寬輕雷欣已發謬作採茶官

訪礦坑老僧

山渡無外事日夕愛潺湲趺坐樹間石力畊谿上田解言南國事能詠碧雲篇莫貫遠公酒淡慚陶令賢

詠官妓從人

少爲輕薄誤，失行落優倡。去作小家婦，願同貧里裝。無心歌子夜，有意學流黃。他日東郊上，誰人見採桑。

送蔡侍禁赴長沙

寒葉下瀟湘，之官逐雁行。水經菱浦晚，船過橘洲香。二女行林外，三閭楓葉傷。平時息戎律，物景助才章。

送余駕部江州

內史九江行，潦收波已清。何時鷁舟上，遠見爐峰迎。野色連葭菼，秋香薦橘橙。寒潮如特送，不肯過盈城。

送張秀才之淮南

聊爲楚客唱，一送淮南行。出汴遠心喜，移舟孤岫橫。危帆將進浦，寒霧不分城。枚乘舊居處，向來秋草生。

送李康伯赴武當都監

城下漢江流，滄波照鬢秋。山川包楚塞，風物似荊州。試聽清砧發，何如画角愁。遙知絕戎事，水味別槎頭。

登許昌城望西湖

試望許西偏，湖光浸曉烟。岸痕添宿雨，草色際平田。夏木陰猶薄，朱荷出未圓。人閒綠波靜，幽鷺插頭眠。

赴雪任君有詩相送仍懷舊賞因次其韻

湖山饒邃處，曾省牧之遊。雁落葑田闊，船過菱渚秋。野烟昏古寺，波影動危樓。到日尋題墨，多應舊壁留。

送劉比部

青山夜來雨，溪水已潺湲。侵曉桂旗動，傷離蘋渚前。百壺臨祖道，兩槩破春烟。舊業西河上，歸心落日邊。

宋元詩集
卷之十四
三
鈔本
擬張九齡詠燕

耿耿飛來燕長年與社違任從新曆改只向舊巢歸
永日當人語輕寒逆雨飛自親文杏慣不識海鷗機

送徐君章祕丞知梁山軍

蒼壁束江流孤軍水上頭蛟龍驚鼓角雲霧裊衣裘
午市巴姑集危灘楚客愁使君才筆健當似白忠州

十三日雪後晚過天漢橋堤上行

堤上殘風雪橋邊盛酒樓據鞍衰意盡倚檻艷歌留
海月開金鑑河冰臥玉虬當年洛陽醉偏憶董糟丘

送李閣使知冀州

騷裊黃金絡春風北渡河將軍守漢法壯士發燕歌
綠水塘蒲短晴天寒雁多家聲復年少矍鑠笑廉頗

與道損仲子萼陪泛西湖

冰消湖已綠渺渺鴨頭春船學吳兒刺吟希楚老新
對山憐去鳥隔樹識游人誰念滄江上風柔採白蘋

送陶太博通判廣信軍

平時易水頭不復起邊愁壯士去已久寒波空自流
臨塘遺鷺羽隔戍見羶裘半似江南美軍和贖宴游

與夏侯繹張唐民遊蜀岡大明寺

秋葉已多蠹古原看更荒廢城無馬入破冢有孤藏
寒日稍清迴羣山分漉蒼田衣指白水此下是雷塘

泊淮上

清淮渺然去白浪勢如奔同發已先遠獨行將向昏
洲長寧辨路夜泊偶依村稍覺燈光亂應聞人語喧

宣州雜詩

昭亭萬仞山古關南半北山間
賽雨使君去釣潭漁父閒
蕨肥巖向日竹暗壠連關
北望高樓上南飛鳥自還

覽顯忠上人詩

昔讀遠公傳頗聞高行僧
廬山將欲雪瀑布結成冰
尋迹數百載歷危千萬層
師來笑賈島只解詠嘉陵

和才叔岸傍古廟

樹老垂纓亂祠荒向水開
偶人經雨踏古屋為風摧
野鳥棲塵坐漁郎奠竹杯
欲傳山鬼曲無奈楚辭哀

和元輿遊春韻

乘閒多遠興信馬與君行
碧樹斜通市清流曲抱城
山花高下色春鳥短長聲
日暮吾廬近還歌空復情

離燕湖至觀頭橋

江口泊來久長蒲長舊苗
爭雛洲鵲鬪遺子浦魚跳
宿岸欣逢戍歸船競趁潮
時時望鄉樹已恨白雲遙

送馬廷評之餘姚

越鄉知勝楚君去莫離辭遙
曉日魚鰕市新霜橘柚橋
河流通海道山井應江湖
近邑逢鷗鳥先應避画橈

送張子野祕丞知鹿邑

忽作五年別相逢雙鬢疎
不知從此去當見復何如
公林時為酒晨庖日有魚
沛譙風物美聊以樂琴書

送何遜山人歸蜀

春風入樹綠童稚望柴扉
遠壑杜鵑響前山蜀客歸
到家逢社燕下馬澣征衣
終日自臨水應知己息機

魯山山行

適與野情愜千山高復低好峰隨處改幽徑獨行迷霜落熊升
樹林空鹿飲溪人家在何許雲外一聲鷄

舟次朱家曲寄許下故人

鶉鶉桑柘岸喧喧鷄犬村晚雲連雨黑秋水帶沙渾稍聽鄰船
語初分異土言雖嗟遠朋友日喜近田園

送崔主簿赴睦州清溪

舟輕不畏險逆上子陵灘七里峽天翠千重雲水寒古祠鳴野
鳥亂石激春湍正與高懷愜寧歌行路難

辛著作知西京永寧

躍馬西畿令家瑩在洛陽衣霜寒食雨花發故宮墻冷淡鳴鳴
屋寬閒水滿塘送君悲漸老空憶釣伊魴

十五日雪二首

寒令奪春令六花侵百花塘冰膠燕甯野水澁芹牙擁柱輕於
絮吹墀淨若沙乳禽饑啄木誰誤撥琵琶

新雷蛇甲密雪鬪鵝毛正欲裁輕縠重令著敝袍沙泉流復凍
烟萼圻還韜只待鄰醅熟微聲聽酒槽

送番禺杜主簿

行識桄榔樹初窺翡翠巢地蒸蠻雨接山潤海雲交訟少通蓼
語蟲多入膳庖不須思朔雪梅吐臘前梢

春寒

春晝自陰陰雲陰薄更波蝶寒方斂翅花冷不開心亞樹青帘
動依山片雨臨未嘗辜景物多病不能尋

洛陽牡丹

宋元詩會 卷之十四 六 鈔本
古來多貴色，歿去定何歸。清魄不應散，艷花還所依。紅樓金谷妓，黃值洛川妃。朱紫亦皆附，可言人稀世。

古鏡

古鏡得荒塚，土花全未磨。背菱尖尚在，鼻獸角微訛。月暗蝦蟆蝕，塵昏魍魎過。但令光彩發，表裏是山河。

岸貧

無能事耕穫，亦不有鷄豚。燒蚌噉槎沫，織蓑依樹根。野蘆編作室，青蔓與爲門。稚子將荷葉，還充犢鼻禪。

村豪

日擊收田鼓，時稱大有年。爛傾新釀酒，包載下江船。女髻銀釵滿，童袍毳氎鮮。里胥休借問，不信有官權。

賴公遺碧霄峰茗

到山春已晚，何更有新茶。峯頂應多雨，天寒始發芽。採時林狖靜，蒸處石泉嘉。持作衣囊祕，分來五柳家。

蚤發大信口

犬吠知船解，村墟尚閉門。霜泥粘纜尾，冰水閣潮痕。撇撇鷓鴣去，纖纖蚱蜢昏。梅湖到不遠，寄信向田園。

閔居

讀易忘饑倦，東牕盡日開。庭花昏自斂，野蝶晝還來。謾數過籬筍，遙窺隔葉梅。惟愁車馬入，門外起塵埃。

將赴表臣會呈杜挺之

莫怪去遲遲，予心君亦知。膝前嬌小女，眼底寧馨兒。學語渠渠問，牽裳步步隨。出門雖不遠，情愛未能移。

哭孫明復殿丞

宋元言會
卷之十四
七
鈔本
自古春秋學皆知不可過生前恩禮少歿後薦章多妻子將焉
託田園有幾何汶陽秋樹裏黃鳥謾聽歌

歐陽寺丞桐城宰

葉落淮南樹青山徧馬頭人烟將近郭松竹不知秋夜虎林間
嘯溪泉舍下流門前仲卿廟遺跡待君求

寺丞宰桐見梅詩諒非凡品而邑乘不載其姓名惜哉

餘姚令陳寺丞

試邑來勾越風烟復上游江潮自迎客山月亦隨舟海貨通閭
市漁歌入縣樓絃琴無外事坐見浦帆收

任適尉烏程

俛作程鄉尉折腰還自甘弁峰晴照黛雲水曉澄藍葑上春田
闢蘆中走吏參到時蘋葉長柳暉蓋江南

金山寺

吳客獨來後楚橈歸夕曛山形無地接寺界與波分巢鶻寧窺
物馴鷗自作羣老僧忘歲月石上看江雲

依韻和武平九月十五日夜北樓望太湖

東吳臨海若看月上青冥河漢微分練星辰淡布螢細烟沈遠
水重露裊空庭孤坐饒清興惟將影對形

送余中舍知漢州德陽

匹馬易為秣單車長是輕秋風來棧道宿雨度關城石上樹林
暗山根江水明桐花鳳何似歸日為將行

送鮮于祕丞旆通判黔州

壺頭山下俗巴婦曲中聽汲井熬鹽白燒田種穀青巖風來虎
嘯江雨過龍腥事簡能談者揚雄所草經

送河清賈主簿歸任

不遠水雲間，悠悠沂鷁還。
分亭接鷄犬，舉酒對山_河殘。
雪依荒磧，寒烟入暝灣。
昔人鸞枳歎，一併枉離顏。

新齋望岌笠山

謝紫微坐中賦

北望直百里，峩峩千仞_青。
斷虹迎日盡，飛雨帶龍腥。
陰壑烟雲畜，陽崖草木靈。
登臨終不厭，時許到茲亭。

魏屯田知楚州

淮南木葉驚，淮上使君行。
天外高帆出，沙頭候吏迎。
夜潮通廢壑，秋月滿孤城。
正逢文翁化，從來楚俗輕。

田家

高樹蔭柴扉，青苔照落暉。
荷鋤山月上，尋徑野烟微。
老叟扶童望，羸牛帶犢歸。
燈前飯何有，白薤露中肥。

悼亡

每出身如夢，逢人強意多。
歸來仍寂寞，欲語向誰何。
牕冷孤螢入，宵長一雁過。
世間無最苦，精爽此銷磨。

送臨江軍監酒李太博

三江卑溼地，北客宦遊稀。
霧氣多成雨，雲蒸易損衣。
白醪燒甕美，黃雀下田肥。
未辨殊方語，山歌半是非。

除夜雪

擊鼓人驅鬼，漫天雪送寒。
臘從今日盡，花作舊年看。
著樹多還墮，隨風葉更乾。
明朝預王會，畏溼兩梁冠。

同諸韓及孫曼叔晚遊西湖

晚日城頭落，輕鞍果下涼。
野蜂銜水沫，舟子剥菱黃。
木老識秋氣，徑幽聞草香。
幅巾聊去檢，不作楚人狂。

宋元詩集
夢後寄歐陽永叔

不趁常參久安眠向舊溪五更千里夢殘月一城鷄適往言猶是浮生理可齊山王今已貴肯聽竹禽啼

夏日晚霽與崔子登周襄故城

雨脚收不盡斜陽半古城獨攜幽客步閒閱老農耕寶氣無人發陰蟲入夜鳴余非避喧者坐愛遠風清

題松林院

靜邃無塵地青熒續炤燈木魚傳飯鼓山衲見歸僧野色寒多霧溪痕夜閣冰吾非謝康樂獨往亦何能

罷閣閱書投壺和呈相國晏公

較量人世無窮樂羅列平生未見書聊奉投壺祭征口休言擊劍馬相如画樓晚去聞寒角縹帙春來落蠹魚日奉誨言猶未

飽不慙貧賤帶經鋤

依韻和秋夜對月

陳王苑裏望空虛吳客風前憶具區橫閣漸看河影轉繞枝還見鵲驚無蟲催織婦機成素露逼鮫人淚作珠才比陶潛無用處角巾時任酒沾濡

依韻和武平別後見寄

溪遠檣微一望遙此焉悽絕府中僚已同雁鷺依清淺共看鸞皇上升寥別岸無端縈細柳迴舟不忍過新橋醉來事事能生感誰道愁腸酒易銷

寄洪州致任李國博

湖上悠然度幾春勇拋榮祿遂天真青蒲翠竹圍萼屋白酒黃鷄命里人果下有時乘小駟兒曹方見擁朱輪田園歲入千鍾

美肯似疏家若畏貧

送少卿張士知洪州

朱旗画舸一百尺五月長江水拍天穩去先應望盧岳暫來誰
復見龍泉閣經吏部重為記山識吳王舊鑄錢往迹可尋軍士
少贖書遺逸附青編

送邵郎中知潭州

長饒壘吹洞庭外綠虎帶刀蠻帥迎且諭漢家綏撫厚莫言相
守事權輕木奴洲近霜包熟斑竹昏野鳥鳴賈誼宅邊寒井在
暫留千騎漱餘清

送王察推縝之鄧州

昔向南陽憶洛陽秋橙初熟半林黃車過白水沙痕濶雁落鉗
盧稻穗長廢壘漢碑金刻字古原秦冢石為年太平羽檄何曾

有賓主相歡菊薦觴

送石昌言學士

混混拍堤瓜蔓水軒軒銜尾挂檣船使君東下只朝夕父老走
迎無後先古堞秋耕拾銅鏃長淮瀑雨入壕蓮鳴猿舞鶴仍持
去不憶承明夜直眠

送樂職方知泗州

長堤凍柳不堪折窮臘使君單騎行蘇合輕裘霜莫犯銅牙大
弩吏先迎山傷楚賈連檣泊水上禹書寒磬清試向颺樓東北
望烟波千里月臨城

和王景彞正月十四日夜有感

燈光暖熱夜催春天半樓開飲近臣馳道橫頭起山岳露臺周
匝簇車輪隔簾艷色多相照下馬輕裘各競新我已暮年殊趣

嚮濃油一盞案邊身

小村

淮濶洲多忽有村棘籬疎敗漫為門寒雞得食自呼伴老叟無
衣猶抱孫野艇鳥翹唯斷纜枯桑水齧只危根嗟哉生計一如
此繆入王民版籍論

依韻和吳正仲冬至

流年冉冉即衰遲物趣迴還似轉規長景已知今日至孤懷不
比少年時偶陪上閣鴉鸞後且與南州父老期况有春禾新酒
熟百分休放手中卮

朝

木鐸初開水上城竹籬深閉日先生青苔井畔雀兒鬪烏白樹
頭鴉舅鳴世事但知開口笑俗情休要若心行是非不道任佻

遠唯憶當時阮步兵

東溪

行到東溪看水時坐臨孤嶼發船遲野鳧眠岸有閒意老樹著
花無醜枝短短蒲葦齊似翦平平沙石淨於篩情雖不厭住不
薄暮歸來車馬疲

送吳正仲發倅歸梅谿待闕

山水東陽去未去朋親茗雪朝復朝更無越相逃名舸猶看吳
王送女潮海燕歸齊聲滿屋谿梅開過子生條明年十月吏迎
處七里灘前擢奏簫

和孫都官河上春望

河上風烟愛此邦吳艘越舸不相降魚腥蠹：橋邊市花暗淡
溪竹裏牕蹴踘漸知寒食近鞦韆將立小鬟雙年光取次須偷

賞何用功名節與幢

重送周都官

水上朱樓戍角鳴濛濛，雨裏榜舟輕未逢甫里先生謁多見吳興太守迎荷葉半黃蓮子老霜苞微綠橘林明十年不到風烟改君去將詩與画評

送李戴之殿丞赴海舟推務

瓜蔓水生風雨多吳船發櫂唱吳歌槎從秋漢下應快人憶故園歸奈何世事靜思同轉轂物華催老劇飛梭茶官別有清閔味海月團圓入酒羸

和楚屯田同曾子固陸子履觀予堂前石榴花

堂下一匹鄭虔馬欄邊兩株安石榴但能有酒邀佳客亦任狂花落素甌俗女紅裙無好色主人白髮自侵頭欲歌翠樹芳條

曲已去洛陽三十秋

依韻和永叔久在病告近方赴直道懷見寄

浴堂深殿近皇居秋夕詞臣直宿初宮女穿針爭落月官奴持燭看殘書萬家乞巧心無盡斜漢飛光望有餘枕上江山夢猶熟五更寒雨過簾疎

江鄰幾暫來相見去後戲寄

低頭拜我蒼髯翁來如鳥去如風一夕共飲斗柄北平明已向函關東衆中舊騎跛鼈馬塞下新買連錢驄疾驅似逐鄧林日不肯暫住行何窮

和韓欽聖學士襄陽聞喜亭

亭欄下望漢江水淨綠無風寫鏡明日脚穿雲射洲影槎頭擺子出潭聲檣帆落處遠鄉思砧杵動時歸客情使者徘徊有佳

興高吟不減謝宣城

送余少卿知睦州

青山峽裏桐廬郡
七里灘頭太守船
雲霧未開藏宿鳥
坡原將近見燒田
養茶摘藥新春後
重橘收包小雪前
民事蕭條官政簡
家書時問霅溪邊

寄題徐都官新居假山

太湖萬穴古山骨
共結峰嵐勢不孤
苔徑三層平木末
河流一道接墻隅
已知谷口多花藥
祇欠林間落狍鼯
誰侍巾褱此遊樂
里中遺老肯相呼

送趙簡議知徐州及

鹿車幾兩馬幾匹
軫建朱幡騎鼓弓
雨過短亭雲斷續
鶯啼高柳路西東
呂梁水注千尋險
大澤龍歸萬古空
莫問前朝張僕

射毬場細草綠蒙蒙

送李中舍襲之宰南鄭

莫問褒中道路難
襄陽直上幾重灘
蒼烟古栢漢高廟
落日荒茅韓信壇
出水槎頭一絲挂
穿虹雨脚兩橋殘
土風大抵如南國
期會先時俗自安

送馬行之都官

昭亭山下送君時
不畏西行劍棧危
笮馬跨來身更健
吳船乘去計非遲
錢塘湖上尋雲屋
巾子峰前種槿籬
此趣已高天下士
不須功業似鷓鴣

寄許主客

昨日山光寺前雨
今朝邵伯堰頭風
野雲不散低侵水
魚艇無依尚葢蓬
藕味初能消酒渴
蓼芳猶愛照波紅
揚州有使急迴

去敢比寄聲非塞鴻

聞永叔出守同州寄之

冕旒高拱元元上左右無非唯唯臣獨以至公持國法豈將孤
直犯龍鱗菜萸欲把人留楚苜蓿方枯馬入秦訪古尋碑可銷
日秋風原上足麒麟

寄西京通判宋次道

當時交友都無幾欲問歡娛亦異今花接上林新木變水分清
洛舊池深嵯峨嵩色雲常在窈窕宮墻草又侵修竹千竿白家
寺昔年題處可能尋

送唐紫微知蘇臺

洞庭五月水生寒盧橘楊梅已滿盤泰伯廟前看走馬闔閭城
下見驂鸞吳娃結束迎新守府吏趨跽拜上官曾過揚州能慣

否劉郎盃底勸須寬

右丞李相公自洛移鎮河陽

侯服齊三輔天臺聳百僚新章刻銅虎舊德冠金貂已作歌襦
化方期執玉朝雙鞬辭洛宅千騎向河橋鼓角春城暮鶯花故
苑遙瓜亭猶接畛棠茇自敷條夾道都人擁迎風四牡驕莫隨
文學乘空望旆旗飄

望許昌西湖晚晴

新晴萬柳齊鶯度水東西城上明殘照雲間挂斷霓烟蒲勻若
剪沙岸淨無泥果壓繁枝重人乘小駟低嵐光開翡翠湖色浸
玻璃惹袖朱藤密如過罨畫谿

次韻和永叔對雪

紛紛何亂目凜凜自開門著莫風難定侵凌物已繁裝成新樹

色沒盡古苔痕冷入梁王苑清乘衛國軒欺貧凍蓬華增險怯
輾輾小隙皆能及洪爐逼不温雲衣隨處積水甲等閒屯團戲
為丸轉堆雕作獸蹲豈愁穿破履幸喜有清樽誰問諸公子高
樓與後園

金明池遊

三月天池上都人袷服多水明搖碧玉岸響集靈鼉画舸龍延
尾長橋霓飲波苑花光粲粲女齒笑嗟嗟行袂相朋接游肩與踐
摩津樓金間采幄殿錦交窠挈榼車倚綴歸郎馬上歌川魚應
望幸幾日翠華過

送李端明知河中府

才業人終服聰明帝所聳來希段于木去識大馮君金絡鳴津
口朱旗點雁羣山河虞舊國簫鼓漢橫汾古堞臨秋月高樓等

白雲應同年叔子緩帶隔鬣氛

代書寄歐陽永叔四十韻

始謫夸陵日當居建德年一書寃逐客四詠繼前賢自謂臨江
徼相逢莫我先白醪封画榼素鯉養泓泉戒吏收山粟呼童惜
沼蓮只期東浦過共醉小溪邊日日占風勢時時到水堦安知
貪挂席不肯暫迴船自爾皆無定歸歟亦未然指程幾一月所
險歷三千魚鳥都難問音塵杳莫傳因之走羸僕試與訪南遷
比及過牛峽還聳近壁田報言雖不獲吉語喜多全我解歸堯
闕君移近漢淵問途曾未遠命駕亦何緣衰野今行矣隆中有
待焉鄉亭瓜接畛風化蟻同羶即欲朋簪盍翻為俗事牽愛嬰
嬌啞啞嗜寢腹便便鷄黍煩為具輪轅豈得前寄聲勤以謝幸
子恕而憐來貺誠為望論情恐未捐常親馬南颺果謁謝臨川

遂得窺顏色重忻論簡編聊資別後著大出篋中篇問傳輕何
學言詩詆鄭箋飄流信窮厄探討愈精專道舊終忘倦評文欲
廢眠寧知主人貴但見左魚縣所至同風月相歡憶澗瀍清歌
嗟枉耳素髮怪侵顛翠堞時登眺芳州屢溯泂難醒撥醅醲殊
厭落頭鮮坐竹聽啼鳥臨流聒嗜蟬孤亭起歸夢南陌去揚鞭
出餞陪雙旆方蘄歷廣鄜始生山吏敬頌釋利途遭會面辭何
吐離膺事已填空餘艷樓望野色際平烟

和春日偶書

甕面春醅壓嫩藍盤中鵝肉亦肥甘正宜醉夢輕為蝶苦怕酬
詩密似蠶病起羊公方隱几歸來陶令只乘籃河堤古木欣欣
暗野水新秧拍拍渰已向官資隨分足莫將忠憤等閒談况於
世上諸般厭不作人間一例貪陋巷自知當退縮權門誰解更
趨叅高低趣向難為合冷暖情懷固飽諳免意妻兒猶苟祿強
顏冠冕未抽簪唯公恩遇留連召頻對樽壘也負慙

和禁烟述事

狂風暴雨已頻過近水棠梨著未多窈窕踏歌相把袂輕浮賭
勝各飛堦閒牽白日游絲颺細鷲黃金舞帶拖小苑芳菲花鬪
榮華堂嘲哢燕爭窠西州駿馬頭如剝南國佳人頸似瑳結客
追隨傾画榼分棚游樂藉清莎鞦韆競打遺鈿翠芍藥將開翦
纈羅我病乞求新火炙無心更聽打枝歌

雜詩絕句四首

蛙行動萍葉誤觀作遊魚稍稍引兩股已變科斗書
青青老鏡葉下有繁實尖浪頭撥船女刺手終不嫌
前時雙鴛鴦失雌鳴不已今更作雙來還悲舊流水

河畔有釣翁團泥為甕缶坐想秦人聲思傾杜陵酒

七月二十一日夜番韓玉汝宿城北馬舖

暗樹秋風擺葉鳴桃枝竹簟冷逾清孤燈淡淡短亭客半夜蕭蕭
蕭聳雨聲

京師逢賣梅花 二首

北土只知看杏棗大梁亦復賣梅花此心還似庾開府不惜金
錢買取誇

驛使前時走馬迴北人初識越人梅清香莫把茶蘼比只欠溪
頭月下杯

對雪憶往歲錢塘西湖訪林逋處士 二首

昔乘野艇向湖上泊岸去尋高士初折竹壓籬曾礙過却穿松
下到茅廬

樵童野犬迎人後山葛棠梨案酒時不畏尖風吹入牖更教牀
畔覓鷓鴣夸

黃鶯

內家初上翠微宮樹裏窺人在半空笑語漸高無約束侍臣偷
望向雲中

宋元詩會卷之十五

晚桐陳

焯默公輯選

後學程

仕松皋叅較

王琪

字君玉桂之從兄也起進士調江都主簿上時務十二事仁宗嘉之除館閣校勘集賢校理出通判舒州知復州累遷知制誥以使朔方感疾道還謫團練副使久之加龍圖閣待制知潤州徙江寧歷鄧州揚州入判大常寺出知杭州致仕年七十一

秋日白鷺亭向夕風晦有作

白鷺啟西軒檐宇寤爽塏千峰若聯環翠色不可解是時天雨
曠六幕無纖靄金斗熨秋江素練橫衣帶乾坤清且歛氣象朝
昏改蘆花作雪風飛舞來滄海九霄汀鷺起萬里檣烏快月上
三山頭鳥沒橫塘外滄茫洲渚寒銀錯星斗大開樽屏絲竹披
襟向蕭籟余生本江湖偃蹇欣所會清興雖自發苦嗜亦吾累

魚龍憑夜濤四面忽滴泮安得犀燈然煌煌發水怪

吳中曉寒曲

大澤穹天莽同色碧瓦閭門曉花白石巖左右斷行人洞庭一夜冰千尺曾持使節龍沙壘北風如刀割人耳知憐凍足苦霜摧一生不向邊庭履憑誰贈我紫綺裘中吳風土清且柔令嚴氣正天地肅長歌白苧臨寒流玉蘭酒熟金醅溢大白連雲尚口克書牕半掩晝始開幾日紅梅斷消息

清輝殿觀唐明皇山水石字歌

皇家四葉恢聖功天臨日燭清寰中漢條靜治洽柔教老心稽古開神聰有唐英主稱好文仙毫灑落驅風雲壯哉山水有奇字煥乎八法存翠珉自從棄置咸陽道薛駁煙滋委官草天開神贊會休辰甄收再作皇居寶如何淪廢三百春迎遊睿鑒來

紫宸奎鉤粲粲光華動羣玉森森氣象新丹雘春妍瑞靄淡文梁藻井結芳林鴻翔鳳翥徑方丈杯流泉涌蒙親臨臣榮幸從金輿袖拂魂驚拭目初多慙攬筆非青鏤唯慶千齡際帝圖

九曲池

越調隋家曲當年亦九成哀音已亡國廢沼尚留名儀鳳終沈影鳴蛙祗沸聲淒涼不可問落日背蕪城

金陵賞心亭

千里秦淮在玉壺江山清麗壯吳都管人已化遼天鶴舊画難尋卧雪圖冉冉流年去京國蕭蕭華髮老江湖殘蟬不會登臨意又噪西風入座隅

答永叔問月

斑斑疎雨寒無定皎皎圓蟾望欲闌應在浮雲最深處更憑絲

竹一催看 按石林詩話晏元獻守南都王君玉時為僉判中
秋夕陰晦無月欲張醮未果君玉作詩呈元獻曰
只在浮雲最深处試憑絃管一吹開公從枕上得詩大喜急索
衣起召客治具笙歌甫作雲散月出遂同叅佐劇飲為達旦之
歡宜即移用此句耶

張先

字子野吳興人天聖八年進士詩人張維子也少以樂府
馳名其詞有雲破月來花弄影浮萍斷處見山影隔簷送
過鞦韆影為平生最得意句當時號曰三影尚書年八十
餘尚蓄聲伎宋東坡嘗作詩戲之按同時又有張先
亦字子野已附
辨於維詩之後

巢鳥

烏啼東南林危巢鷓五六心在安巢枝一日千往復脫網得羣
食入口不入腹寤生俾反哺豈能報成育

題花下無相院西溪

積水涵虛上下清幾家門靜岸痕平浮萍破處見山影小艇歸

時聞草聲入郭僧尋塵裏去過橋人似鑑中行已憑暫雨添秋
色莫放修薑礙日生

潤州甘露寺

丞相高齋半草萊舊時風月滿亭臺地從日月生時見眼到江
山盡處回三國是非春夢斷六朝城闕野花開心隨潮水漫漫
去流徧煙村半日來

吳江

春後銀魚霜下鱸遠人曾到合思吳欲圖江色不上筆靜覓鳥
聲深在蘆落日未昏聳市散青天都淨見山孤牆南水漲虹垂
影清夜澄光照太湖

贈妓兜娘

十載芳洲撫白萍移舟弄月賞青春當時自倚青春力不信東

風解誤人

蘇舜欽

字子美，參知政事，易簡之孫，狀貌奇，性少有大志，天聖中，
 文辭卑弱，仍五代舊習，獨舜欽與河南穆修好為古文，時
 賢多從之，遊初用廕補太廟齋郎，調滎陽縣尉，尋舉進士，
 改光祿寺主簿，歷大理評事，監在京店，宅務，范仲淹薦其
 才，召為集賢校理，監中丞，王拱辰與仲淹富弼等在政
 府，引用正人，多所更張，中丞王拱辰等頗嫉之，而舜欽在
 行，增也，會進奏院祠神，舜欽與同官鬻故紙，以公錢置燕
 會，拱辰廣得之，諷其屬魚周詢核奏，意在搖動，行等事下
 開封府核治，於是舜欽與同會十餘人皆
 落職，舜欽放廢，寓吳中，後得湖州長史卒。

感興 三首

後寢藏衣冠前廟宅，神主吾聞諸禮經。此制出中古，秦嬴食先
 法，乃復祭於墓，漢衣以月遊於道，蓋無取。宣帝尊祖廟，失制徧
 九土。孝元酌前文，一旦悉除。太魏帝樂銅臺遺令，置歌舞昏嗣
 竟從之。此事狂夫阻，唐制益紛華。諸陵銷嬪御，曠女日哀吟。於

先亦奚補吾朝三聖人，乘雲不可睹。威靈已霄漢，嗣皇念宗祖。
 繪事移天光，刻象肖神武。徧勅舊遊地，輸材起宮宇。階城釳以
 金，墻壁衣之黼。功既即奉迎，法仗疊簫鼓。玩好擇珍奇，目奪不
 可數。三京佛老家，已有十數處。朝家雖奉先，越禮古不許。君不
 祭，臣僕又不祭。支庶丹楹，豈非孝聖貶甚。蕭斧大祀當，以時寢
 廟，即其所惜哉。共儉德，乃為侈。所監痛乎神聖安，遂與 為侶

蒼生何其愚，瞻歎走旁午。賤子私自嗟，傷時淚如雨。

昔在帝舜日，光宅闢四門。所貴無凶邪，德教日益敦。末世多濫
 姦，九重嚴大閣，扞擻主譏察。誰何辯語言，一閔百力士。列名甃
 石，溫設官按尺籍，唱號於宋昏。唐末稍懈怠，睿值外使奔京城。
 凶豪兇奮劔，闖帝藩。狂呼嘯虎豹，便欲傾乾坤。賴有宰相在不
 然，神器翻我朝。誦制度，門籍反不存。近知賤丈夫，突入犯赤軒。

陸官未暇執嗷嗷何其宣祖宗創業難慎重從後昆勇夫猶重
閉况乃天子尊何羅猶宜察况乃外寇屯興語一及此舌出反
自捫吾家本寒微世受朝廷恩欲奏鳴鴉詩當塗誰薦論

督說聖所擇愚謀帝不罪况乎言有文白黑時利害前日林書
生自謂胸臆大潛心撫世病策成謂可賣投額觸諫函獻言何
耿介云昨見凶星上帝下警戒意若曰昏極出處恣蜂蠆安坐
弄神器開門納珍賄宗支若繫囚親親禮日殺大臣尸其柄咋
舌希龍拜速連伐虎叢無使自沈瘞陛下幸察之聰明即不壞
如忽賤臣言不瞬防禍敗一封朝飛入羣目已睚眦力夫墓塞
門執縛不容喟十手捽其胡如負殺人債幽居死牢中繫灼若
龜蔡亦既下風指黥面播諸海長塗萬里餘一錢不得帶必令
朝夕間渴飢死於械從前有口者縮脰氣如憊獨夫已去除易

若吹糠稗奈何上帝明非德不可蓋倏忽未十旬炎官下其怪
乙夜紫禁中一燎不存芥天王下林走倉猝畏挂礙連延舊寢
廷頓失若空塞明朝黃紙出大赦徧中外嗟乎林書生生命不
可再翻令凶惡囚纍纍受恩貸

林書生翰此詩以存
又逸其名愈足悲矣

興慶池

餘潤漲龍渠疏涵連清滄助曉遠昏山浮秋明刮眼漁歸別浦
閒雁下滄波晚岸北有高臺離魂蕩無限

蜀士

蜀國天下險奇怪生中間有士曾其姓抱才東入關獻策叩諫
鼓其言蔚可觀願以微賤軀一得至上前掉舌滅西寇畫地收
幽燕且云太平久兵戰無人言臣嘗學其法自集數百篇治亂
與成敗察然不可刪三獻輒罷去志屈心悲酸將相門戶深欲

往復見攔負販冒日熱引重衝雪寒羈苦輦轂下以圖晨夕餐
如此三歲餘夜夜抱膝嘆義者或眼給遂復歸巴川嗟乎區宇
大此徒亦已繁城市與巖穴隱默孰辨旃幸得出自鷲何惜置
末班吾相柄天下處事當機先古之設爵位蓋欲英雄纏次第
立名級不使智憲間稍有才器者必以祿仕牽所患在不出既
出那棄捐放蛟入大水驅虎還深山失一故無害其類莫可攀

獾狐篇

老狐宅城隅涵養體豐大不知窟穴處草木但菴藹秋食承露
未夏飲灌園泚暮夜出旁舍鷄畜遭橫害晚登埤塊嗚呼吸召
百怪或為嬰兒啼或變艷婦態不知幾十年出處頗安泰古語
比社鼠蓋亦有恃賴邑中年少兒耽獵若沈瘵遠郊盡雉兔近
水殲鱗介養犬號青鵠逐獸馳不再勇聞此老狐取必將自快

縱犬索幽邃張人作疆界茲時頗窘急迸出赤電駭羣小助噓
嗥奔馳數顛沛所向不能入有類狼失狽鉤牙咋巨額髓血相
清沫喘叫遂死矣爭觀若期會何暇正首丘腥臊滿蓬艾教穴
相穿通城堞幾隳壞久此縱凶妖一旦果禍敗皮為榻上藉肉
作盤中膾觀此為之吟書以為警戒

舟中感懷寄館中諸君

時得告之山陽掣家

扁舟迎春色東下淮楚鄉側身風波地回首英俊場顧我本俗
材百事無一長濫迹入冊府舉動初不皇乍脫泥滓底稍見日
月光峻閣鬱前起隱嶙天中央春風花竹明曉雨宮殿涼溢目
盡圖史接翼皆鸞鳳明臆置刀筆大案羅縑緗文字雖幼學鈍
慵今廢忘不能溫舊習考古評興亡覩顏於其間汗下如流漿
徒然日飽食出入隨羣行朝廷此多事亦合疆激昂况有詔書

狂爛然貼北墻奮舌說利害以救民膏肓不然棄硯席挺身赴
邊疆喋血麇羌氏胃膽森開張弯弓射欃槍躍馬埽大荒功勳
入丹青名迹萬世香是亦丈夫事不為鼠子量數事皆不能徒
只飽腹腸有如鳧雁兒啞啞守稻梁歲月今逝矣齒搖髮已蒼
於時既無益自合早退藏諸君天下選才業吁異常願當發策
憲坐使國富彊三辰期順軌四海無災殃莫效不肖者所嚮皆
荒唐又不耐羞恥但欲歸滄浪濡毫備歌詠仰首看翱翔舟中
稍無事思念益以詳恨無一稜田可以足糟糠出處皆未決語
默兩弗減莽不知所為大叫欲發狂作詩寄諸君鄙懷寔所望
依韻和勝之暑飲
九夏苦炎烈入伏氣候惡况茲大旱時其酷甚炮烙爭得昇復
生射此赤日落欲擘青天開騰身出寥廓狂走無處逃坐恐肝

腦涸不如以酒澆庶可免焦燥相呼坐僧居頃刻醕百酌佳瓜
判青膚熟李吹絳膜尚嫌味不爽更與冰雪嚼裂耳發浩歌解
顏縱善謔逕趨無何鄉回覺萬事錯不知余中虛外冷得所託
真氣潛遁亡半夜忽發霍嘔洩不甦停迸筋走兩脚初如巨繩
纏忽似秋蚓躍委頓體不支蒸沐為穿鑿君言暑飲佳但得一
餉樂艱難逾旬時僅飲數斗藥快意事皆然遺快慎無作

答梅聖俞見贈

自嗟處身拙與世常齟齬至於作文章寔亦少精趣低摧朝市
間所向觸謗怒夫子與衆殊琢飾旣佳句將然紙上動讀畢恐
飛去自覺異平居恍惚忘世故迥如出泥塗熏滌失臭污衣之
青霞裾飲以紫蕊露輜軒駕黃蝶躑上雲路古貴知者稀流俗
豈足顧雅意雖可珍三復未敢報退慙百不堪尚恐君悔賦

頂破二山詩

北邑有頂山下潛子母虬其子去為雨以救鄉人憂前孽穹峰
開化出百丈湫後因號破山致祠獻庶羞歲來省其母風雹六
月秋煙雲騰踏去不復經月田邑民賴其靈雖早歲有收因成
兩佛宇幽邃稱勝遊磻前走鸞車松桂擁石樓夜堂人喋滲陰
壁風颼颼近年返暴雨頗亦傷田疇老農務祈禱梵唄日不休
常為釋徒利乃作生民讐嗚呼二虬者其說何悠悠

中秋夜吳江亭上對月懷前宰張子野及寄君謨蔡大

獨坐對月心悠悠故人不見使我愁古今共傳惜今夕况在松
江亭上頭可憐節物會人意十日陰雨此夜收不惟人間重此
月天亦有意於中秋長空無瑕露表裏拂拂漸上寒光流江平
萬頃正碧色上下清澈雙璧浮自視直欲見筋脉無所逃遁魚
龍憂不疑身世在地上祇恐查去觸斗牛景清境勝反不足歎
息此地無交遊心魂冷烈曉不寢勉為筆此傳中州

城南歸值大風雪

一夜大雪風喧飀未明跨馬城南回四方迷惑共一色揮鞭欲
進還徘徊舊時崖谷不復見縱有直道令人猜低頭捨朔風兩
眼不肖開時時偷看問南北但見白羽之箭紛紛來既以脂粉
傳我面又以珠玉綴我顛天公似憐我貌古巧意裝點使莫偕
欲令學此男女態免使埋沒隨灰埃據鞍照水失舊惡容質潔
白如嬰孩雖然外飾得整好自覺面目如刀裁不知胸中肝胆
挂鐵石安能柔軟隨良媒世人飾詐我尚笑今乃復見天公乖
應時降雪故大好慎勿改易吾形骸

依韻和伯鎮中秋見月九日遇雨之作

衆皆愛春發枯芟我知惟動兒女懷天地昏酣夢醉裏人有爽
思皆沉埋豈如秋風勁利劇刀劍刮被天膜清光開衰根危蒂
埽除盡辨別松竹并蒿萊青娥供霜洗夜月兼以皓露驅纖埃
常年此夕或陰晦今歲澄澈特快哉是時呼賓賞此景漸見照
我白玉杯清輝向人若有意經歷牕戶猶徘徊放歌狂飲不知
曉爛熳酌客山岳頽時節飄流晦羽轉已覺九日來相催北軒
隙地破蒼蘚帶花移得黃金栽倒冠露頂坐狂客搗香咀蕊浮
新醅最憐小雨灑疎竹爽籟颯颯吹醉題君時傳詩頗精麗意
苦泥淖不得來開緘文采自飛動欲和但愧頑無才久之題勉
強為荅嫌春愛秋真可咄

永叔石月屏圖

日月行上天下照萬物根向之生榮背則死故為萬物生死門

東西兩交征晝夜不暫停胡為號山石由此皎月痕常存桂樹
散疎陰有若圖画成永叔得之不得曉作歌使我寤其原且疑
月入此石中分此兩曜三處明或云蟾兔好溪山迤遁出月不
可關浮波穴石恣所樂嫦娥孤坐初不覺玉杵夜無聲無物來
擣藥嫦娥驚推輪下天自尋捉遶地掀江踏山岳二物驚奔不
復見由此玉輪之迹在青壁風雨不可剝此說亦詭異予知未
精確物有無情自相感不問幽微與高邈老蚌向月月降胎海
犀望星星入角彤霞燦石凌靈砂白虹貫巖生美璞此乃西山
石久為月照著歲久光不減遂有團團月寒輝籠籠出輕霧坐
對不復嗟殘缺蝦蟇縱汝惡甬吻可能食此清光沒玉川子若
在見必喜不徹此雖隱石中時有靈光發土怪山鬼不能近照
之僵仆肝胆裂有如君上明下燭萬類無遁形光艷百世無虧

盈

田家詞

南風霏霏麥花落豆田漠漠初垂角山邊夜半一犁雨田父高
歌待收穫雨多蕭蕭蚕簇寒蚕婦低眉憂繭單人生多求復多
怨天公供爾良獨難

和石曼卿明河詠

八月銀河好天高夜自明樓臺通迥意風露得餘清幾為浮雲
亂都宜小雨晴離人彊回首耿耿邈無情

靜勝堂夏日呈王尉

虛堂吏事稀吟卧欲忘機
牕靜蜂迷出簾輕燕誤飛
煩心傾晚簟倦醉快風衣
更想霜雲外同君看翠微

黎生下第還鄉

人云之子賢文采出巴川
失意聲名在還家歲月遷
離懷春色裏歸路夕陽邊
無廢青箱學窮愁古亦然

和解生中秋月

不為人間意居然節物清
銀堂通夜白金餅隔林明
醉客樽前倒棲鳥露下驚
悲歡古今事寂寂墮荒城

獨游輞川

行穿翠靄中絕澗落疎鐘數
里踏亂石一川環碧峰
暗林麋養角當路虎留蹤
隱逸何曾見孤吟對古松

望秦陵

雄心雖蓋世竟亦棄羣臣
役重傾天下時危啓聖人
石麟空舉首銀海罷流春
隴闕今無復應深行路塵

晚出潤州東門

京口古雄處昔年嘗此過風流看石獸人事共江波河轉路疑
盡日斜山更多城樓鬱天半回首恣吟哦

離京後作

春風奈別何一櫂逐驚波去國丹心折流年白髮多脫身離網
罟含笑入煙蘿寤達皆常事難忘對酒歌

淮亭小飲

山氣復清淮亭臨亂山開旅愁無處避春色為誰來酒賴啼鶯
送歌隨去雁哀相携聊一醉休使壯心摧

過泗水

五年六經此仰首歎勞生山是往時色人皆今日情機心去國
少塵眼向淮明物理吾俱曉漂流安足驚

秋雨

陰風攬林壑驟雨到江湖白日不覺沒繁雲何處無樓吟涼筆
硯溪夢亂菰蒲聞說金華甚污泥入敝廬

詩僧則暉求詩

全吳氣象豪詩思各翹翹風雅久零落江山應寂寥會將趨古
澹先可去浮囂好約長吟處霜天看怒潮

游洛中舊內

洛陽宮闕鬱嵯峨千古榮華逐逝波別殿秋高風浙瀝後園春
老樹婆娑露凝碧瓦寒光滿日轉觚稜暖艷多早晚金輿此游
幸鳳樓前後看山河

送家靜及第後赴官清水

幾年塵土客京華一日春乘犯斗槎夢後夜歸全蜀道眼明朝
宴上林花白頭佐邑非為晚藍綬還鄉亦可誇况有雄圖者悟

主莫傷孤宦向天涯

宿大平宮

驅車長道久塵勞一宿清宮醒骨毛古檜有風天自籟石壇多
露鶴爭噪星河耿耿秋還迥樓觀澄澄夜更高吟對疎鐘俗機
盡已疑身世屬仙曹

春暮初晴自御宿川之華嚴寺

春莫曾無屬物心野行聊得據鞍吟路經廢苑情通古水遶蒼
山意共深殘日花間浮暖艷斷雲樓外卷輕陰騷人自昔傷鶻
鳩休苦風前送好音

望太湖

杳杳波濤閱古今四無邊際莫知深潤通曉月為清露氣入霜
天作暝陰笠澤鱸肥人膾玉洞庭柑熟客分金風煙觸目相招

引聊為停橈一楚吟

松江長橋未明觀漁

曙光東向欲朧明漁艇縱橫映遠汀濤面白煙昏落月嶺頭殘
燒混疎星鳴榔莫觸蛟龍睡舉網時聞魚鱉腥我寔遊宦無况
者擬來隨爾帶笭箬

壽陽閒望有感

維舟亭下偶登臨下蔡風流古至今遠嶺抱淮隨曲折亂雲行
野昨晴陰幽人憔悴搔白首啼鳥哀鳴畏故林觸處塗窮何足
慟直回天地入悲吟

春睡

別院簾昏掩竹扉朝醒未解接春暉身如蟬蛻一榻上夢似楊
花千里飛嗒爾暫能離世網陶然直欲見天機此中有德堪為

頌絕勝人間較是非

中秋松江新橋對月和柳令之作

月晃長江上下同
画橋橫絕冷光中
雲頭豔豔開金餅
水面沉沉卧綵虹
佛氏解為銀色界
仙家多在玉華宮
地雄景勝言不盡
但欲追隨乘曉風

和彥猷晚宴明月樓二篇

溪聲來從一氣外
樓角插在蒼霞中
豔歌橫飛送落日
哀箏自響吹霜風
低昂黛色四山黯
凌亂纈紋疎樹紅
憑欄揮手問世俗
何人得到蟾蜍宮

向晚天邊燕席開
溪山相照絕纖埃
綠楊有意簷前舞
涼月多情海上來
香穗縈斜凝画閣
酒鱗環合起金壘
自疑身是乘槎客
泛徹銀河却欲回

秋宿虎丘寺數夕執中以詩見貺因次原韻

生事飄然付一舟
吳山蕭寺且淹留
白雲已有終身約
醪酒聊驅萬古愁
峽束蒼淵深貯月
巖排紅樹巧裝秋
裴回欲出向城市
引領煙蘿還自羞

晚泊龜山

南灣晚泊一裘迴
小徑山間佛寺開
石勢向人森劍戟
灘光和月瀉瓊瑰
每傷道路銷時序
但屈人情入酒盃
夜籟不喧羣動息
長吟聊以寄餘哀

滄浪靜吟

獨遶虛亭步石缸
靜中情味世無雙
山蟬帶響穿疎戶
野蔓盤青入破牕
二子遊時猶死餓
三閭遭逐便沈江
我今飽食高眠外
唯恨澄醪不滿缸

丹陽子高得逸少瘞鶴銘于焦山之下及梁唐諸賢四石刻共作一亭以寶墨名之集賢伯鎮為之作記遠來求詩因作長句以寄

山陰不見換鵝經京口今存瘞鶴銘瀟灑集賢來作記風流太守為開亭兩篇玉蕊塵初滌四骸銀鈎薜尚青我久臨池無所得願觀遺法快沈冥

閔都官孤山四照閣

勢壓蒼崖險可驚攀雲半日到軒楹旁觀竹樹回環翠下視湖山表裏清漸覺愁隨煙霧散只疑身有羽翰生他年君掛朱幡後蠟屐筇枝伴此行

清軒

誰鑿幽軒刮眼清湖中嘉處更禪扃龍聽夜講寒生席鷗伴晨

齋暖戲庭水月澄明應作觀雲山濃淡自開屏我公亦為畱奇句此地人間合有靈

某為世所棄困居于蘇平生交游過門不顧長安侍讀葉丈不以秦吳之遠高下之隔閱此窟悴特賦以詩然韻險句奇不可攀續仰酬高詛彊扶蕪音

公鎮西都擁劇權遠嗟窟若寄新篇氣雄迫出閔河外句險空驚魚鳥前玉帳夜嚴兵似水茅齋春靜草如煙才愚榮悴皆殊絕自笑相酬更斐然

寄題趙叔平嘉樹亭

嘉樹名亭古意同拂簷圍砌更青蔥午陰閒淡茶煙外曉韻蕭疎睡雨中開戶常時對君子遶軒終日是清風盤根得地年年盛豈學春林一餉紅

秋夕懷南中故人

向夕依欄念昔游，蕭條節物更他州。池光不動天深碧，月色無情人獨愁。千里江山幽信絕，一場風露敗荷秋。征鴻急急知何事，斷續哀鳴過不休。

聶京尹范希文謫鄱陽尹，十二師魯以党人貶郢中歐陽

九永叔移書諫官，不論救而謫夷陵，今因成此詩以寄

且寬其遠邁也

朝野蔚多士，衰然良可羞。伊人秉直節，許國有深謀。大議搖巖石，危言犯采旒。蒼黃出京府，憔悴謫南州。引党俄嗟尹，移書遽甯歐。安慙言得罪，要避曲如鉤。郢路幾束馬，荊州還沂舟。傷心眾山集，舉目大江流。遠動家公念，師魯父作深貽壽母憂。永叔有母老垂橫身罹禍難，當路積仇讐。衛上寧無術，亢宗非所優。吾君思

正士莫賦畔牢愁

秋懷

年華冉冉催人老，風物蕭蕭又變秋。家在鳳凰城闕下，江山何事苦相留。

初晴遊滄浪亭

夜雨連明春生水，嬌雲濃暖弄微晴。簾虛日薄花竹靜，時有乳鳩相對鳴。

冬日偶書

謾走聲名三十年，亦曾文采動君前。玉顏皓齒他人樂，獨守殘燈理斷編。

小酌

寒雀喧喧滿竹枝，驚風浙漑玉花飛。霜柑糖蟹新醅美，醉覺人

生萬事非

江休復

字鄰幾陳西人少強學為文淳雅尤善于詩進士起家為益山尉騎驢之官每據鞍讀書致速失道家求得之舉書判拔萃改大理寺丞判尚書刑部與蘇舜欽祠神會落職稍起知奉符具累遷至尚書刑部郎中卒有文集二十卷

秋懷

西風萬里至曠然天地秋暮雨生夕涼百虫鳴啾啾楚山曉蒼
蒼楚水亦悠悠騷人試登臨感物增離憂所思在遐方欲往路
阻修香草有蕙茝嘉樹有梧楸白露委芳馨彫零使我愁窮年
倦羈窘江湖思舊遊紉蘭製芰荷飄泛一葉舟肆情雲水間意
適何所求

同持國宿太學官舍

翳翳雲月薄冷冷雪風清學省夜岑寂天街斷人行廣庭層閣
陰尋廊步餘明松篠遮遙響如聞絃誦聲悠悠子佩詩講坐塵
埃生迴就直舍休疊疊談道精心會境物融泯然遺世營寒眠
屢展寤言寫素誠

牟駝岡閱馬

牧馬散近坳閱視乘高秋駝岡似沙苑堆阜帶川洲坡陀故梁
城縈薄西南陬連棚映林樾星羅倚層邱回風吹陣雲奔騰歛
來游野性脫羈馱飲齧逐所求腹幹頗肥張鬱怒何處休羣毆
驟麋鹿逸勢凌蛟虬軍戎選輕捷和鑾御調柔毛物有千名衆
美歸驂騶梁王愁思臺佛刹居頭竭來一覩眺遺墟莽悠悠信
陵骨已朽巖穴誰見收當時英豪輩事逐東波流置酒臨風軒
聊以舒煩憂

宋詩集 卷之十五 十一 鈔本

宋元詩會卷之十六

皖桐陳

焯然公輯選

後學程

仕松皋參較

黃庶

洪州分寧人庭堅之父仕宦不達工詩文號青社先生著
伐檀集數十卷庶起西崑諸子之後其詩弗以綺麗為能
疎朴蒼堅自成風格故集中有和劉子儀作題同而調迴
別也人謂涪翁開江西之宗派柳知後海先河猶有阿翁
枉乎平生亦雅耽臨池觀教兒學書詩可見
然則寶山谷之翰墨者固宜識所由來矣

對花

伊昔甫白枉造化困刀尺我生幾年後浪自鐫頑石對花雖把
筆好句恨莫得來陽與采石孤墳沒荆棘幾欲肉白骨再挿風
雅翼海為一杯酒地為一領席坐吟籠萬物語出埋霹靂乾坤
髓可掬鬼神淚可滴人生貴適意身是天地客糟牀不可乾吟
紙須強擘花落若解醫有金費千鎰

宿趙屯

蘆花一曲水弭楫日已暮山間聳鷄犬無人見烟樹行逐羊豕
跡始識入市路菱茨與魚蟹居人足來去漁家無鄉縣滿船載
稚乳鞭笞公私急醉眠聽秋雨此詩與大孤山一首山谷嘗手
書刻石于南康星子灣有跋見

集別

賦小桐

小桐纔幾尺氣壓百歲樗雨露意未飽風月韻已孤鳳凰肯寂
寞燕雀空踟躕天地有和氣想為桐之腴我願刻作琴獻上九
重居坐使熏風還雖灰骨不枯

次韻和子儀聶蟬

落日挂樹間長我庭下陰園林動秋意高蟬忽微吟清風轉餘
響悠然下遙岑微物感時節鏗錡吐商金古樂久破碎絃蟲抱

全音荒忽尚偃蹇激起壯士心願為秋蟬操被之朱絲琴

大孤山

彭蠡百里南國襟萬頃蒼烟挿孤岑不知天星何時落春秋不
書不可尋石怪木老鬼所附絃乃與水司浮沉鳴鴟大藤樹下
廟祭血不乾年世淡舳舻千里罔敢越割牲醜酒來獻斟我行
不忍隨人後許國肝膽神所歆落帆夜宿白鳥岸睥睨百遠寒
藤陰銀山大浪觸天險比干一片崔嵬心宦遊遠去父母國心
病若有山水滌江南画工今誰狂拂拭東絹傾千金右與宿趙
屯同在石

汴河

汴都峩峩在平地宋恃其德為金湯先帝始初有淡意不使子
孫生怠荒萬艘比來食京師汴水遂作東南吭甲兵百萬以為

命千里天下之腑腸人心愛惜此流水不啻布帛與稻梁漢唐
關中賴輸輓木牛可以腐太倉舟楫利今百于古奈何益見府
庫瘡天心正欲醫造化人間豈無針石良窟穴但去錢穀蠹此
水何必求桑羊

家童來持雙井芽數數飲之輒成詩以示同舍

我疑醇醲千古味寂寞散狂山茶枝雙井名入天下耳建溪春
色無光輝吾鄉茶友若敵國糞土尺璧珍刀圭嗟予奔走車馬
跡塵埃荆棘生喉頤煮雲為腴不可見青泉綠樹應相嗤長鬚
前日千里至百芽包裹林巖姿開緘春風若滿手喜氣收拾人
恐知江南陽和夜欲試小齋獨與清風期汲得泉甘火亦得混
沌不灰元氣肥詩書坐對為客主一啜已見沆瀣醜通宵安穩
睡物外家夢欲遣不肯歸不信試來與君飲洗出正性還肝脾

和象之雨後望少室山白雲

塵埃奔趨插手版十年已賣山中閒相逢少室若交舊白雲與
我開容顏風驅烟塵去蔽幕長天覆碧無瑕癥我疑岳神宴天
上汎掃伊洛為圖看又疑山鬼有寒稅纏絮萬纍輸陰官色如
可餐無厭飽玻璃為甌炊琅玕去去還觀不能已一里迴首百
據鞍長安許生以画名閒暇拂拭新素紈能求山高水深趣常
恐造化枉筆端每觀雲泉得意處擬寫人物家其間今對異景
慙首鼠愚若犬彘編槽欄君詩託我有深意明月一盃心往還

遣懷

六載紅蓮客差池又一年無人和白雪有意補青天肝膽論興
廢詩書謁聖賢尊中古日月窮達付陶甄

寄子蒙授常寧令

疎率君堪愛無心宦又高身思眠白屋人勉著青袍號隱疑名

福前為寧鄉尉自號吏隱貪歸似姓陶常寧邑雖小應合得牛刀

郡廳誦書偶成

主人調鼎手千里刃迎虛暗使民如堵能容吏似樗萑苔眠杻

和子玉病起遊書齋

蕭齋以不住筋力試筇初牕戶蝸涎瑣塵埃鼠跡書病魔雖已

次韻和雪霽西湖

雪會遊人意元朝變物萼醉鄉銀作界詩客玉為家魚影紋冰

穀禽蹤篆霰沙餘英恐銷盡目斷夕陽霞

教繩權學書偶成

文事有緣曾弄墨小子生周一歲先弄墨於晬盤見來官小慰咨嗟聊將筆墨

傳生計不失詩書作世家字識姓名能指點寫回帖安不傾斜

著鞭莫落時人後三十塵埃監汝爺

探春

雪裏猶能醉落梅好營杯具待春來東風便試新刀尺萬葉千

花一手裁

登大雲頂

區區霸迹欲知小試絕大雲孤頂看老僧指我日上處鏡面瀉

出黃金盤青州去海尚踰二百里寺僧

余靖

字安道韶州曲江人少不羈以文學稱鄉里舉進士起家為贛縣尉改將作監知新縣遷祕書丞數上書論事以救范仲淹落職監筠州酒稅徙監泰州稅知英州遷太常博士復為校理同知禮院擢右正言使朔方進修起居注

在職數言事而糾劾大臣夏竦等及爭元昊歲賜即命靖
著會元昊歸款朔方忌宋詐遣使助兵力破歙局因請養
往報之屈其議而還以作朔語詩被劾出知吉州因請養
居曲江再起知虔州丁父憂去會儂智高反詔以廣南西
路委靖經制賊平遷尚書工部侍郎即徙知
潭州又徙青州官至工部尚書卒謚襄靖

遊韶石

世務常喧囂物外有真賞結友探勝槩放情諧素想韶山南國
鎮靈蹤傳自曩雙闕倚天秀一逕尋雲上長江遠縈帶衆巒疑
負襁千里取平視萬形羅怪象日影避崑崙崑崙頭冠方丈青螺
佛髻高羣玉仙都散霞城晴煜燦桃溪春浩蕩仰攀霄漢近俯
瞰神鬼恍惚澗溪流如織巖虛動成響造化與真質妙画胡能做
賤子生海隅逢辰辱胡獎靡成彝鼎勳甘從丘壑往驚禽戀故
林困驥畏羈勒茲遊得幽淡同懷樂清曠世言帝有虞朔南聲
教廣丹丘卜巡幸翠華臨蒼莽蕭韶曾此奏鍾石無遺像但覺
熏風存蕭然天籟爽姬公著治典歷代所遵仗九野奠山川萬
靈咸肸鬻醫閭與吳嶽半列遐荒壤四時迎氣祠猶煩禮官掌
况乃祝融區羣物資含養來儀威鳳居樂育菁莪長膚寸起成
霖崇高一方仰躋之佐衡霍無慙公候享

遊大洞山詩并序

予嘗恨遊觀山川皆前賢所稱圖籍所著者耳未能索幽訪
異輿音馬迹之外得古人所遺絕境一寓目焉因狀其名物
與好事者傳之無窮也韶之境富于山水而佛刹占勝相望
于野其名聲洽于四方者無幾頃間居里舍與上饒從事子
元王君擷其遺槩得大洞焉始自州治水行七十里得月華
山捨舟楫肩籃輿道樵徑又十五里乃至是山觀其崩礪聳
峭秀倚天際絕頂之上千里在目日浮月沈雷驚虹斷隨方

下晚晦明異壑則雖丘垤衆山蚊蠓聚落不足喻其高也相
與拂幽石翳修林澗聲泠泠清八毛骨真可遺世而絕俗豈
獨據憂賞異而已耶各爲詩以誌之自漢武帝元鼎六年庚
午歲始平越爲郡縣凡一千七十年至皇朝建隆元年庚申
歲始有僧建刹而居之又七十九年始爲什方院又二祀康
定元年庚辰歲始有衣冠遊者豈天作地藏有所待哉王君
暨同遊本郡布衣李訪月萼山羅浮達二禪師咸書名于長
者習公方丈壁云

十里松檜風萬仞斗峭壁陽崖雷自奔陰壑雪猶積勢爭衝霍
雄地控楚越阨胡爲千載間名未光圖籍物乃因人彰聳人于
枉昔不逢巢由高箕山亦頑碧我今其遊覽逍遙非俗格劇論
窮古今玄談叩虛寂攀蘿躡孤蜂和雲坐幽石濯纓清冷泉留
爲不朽迹

題白蓮菴

掩室昔宴居冥心遺萬化菡萏本無染紛萼共高謝夜禪杉月
落晨齋庭鳥下檐間氣浮池面秋香詫演法辭故棲幽蹤賁寒
野蠟屐此同遊願結宗雷社

題劉太博棲心亭

宏構小侯第避權長掩關地分金穴貴人共白雲閒野色春墻
外池香暮雨間燕申忘萬慮吏隱敵箕山
留題龍光禪刹呈周長老

尋幽逢勝地方外趣無垠雙澗流寒月千峰集暮雲路盤塵境
斷世系祖燈分却愧留題處猶須說見香

送李廷評知福清縣

世閱茂儒紳閩甌罷命新縣圖遙盡海鄉樹密藏春祖帳鷲將
老登車雉已馴行聿趨召節舊美政如神

子規

一叫一春殘聲萬古冤疎烟明月樹微雨落花村易墮將乾淚
能傷欲斷魂名韁慚自束為爾憶家園

桂園蚤行

聳鷄已行邁策馬便徘徊月色依山盡秋聲帶雨來自堪悲玉
璞誰復築金臺薄宦空羈束西齋長綠苔

山館

野館蕭條晚憑軒對竹扉樹藏秋色老禽帶夕陽歸遠岫穿雲
翠畝田得雨肥淵明誰送酒殘菊遶墻飛

送僧惠勤歸鄉

舊國起歸興三江一櫂輕夜吟逢月白曉渡趁潮平楚岸雲藏
寺吳宮水繞城羨師塵外去何日濯吾纓

雙松

自古詠連理多為陽艷吟誰知抱高節生處亦同心風至應交
響禽棲得並陰歲寒當共守霜雪漫相侵

新息道中遇雪

寒淡雪壓春去去祇傷神巢穴有歸鳥路歧無任人遠光天共
白夜色月相親獨酌不成醉翻嫌名利身

靈樹喜長老屬疾見寄次韻酬之

鳴韶山下客多病似吾身每想彌天辯誰為問疾人泉清偏照
月松瘦不知春未遂尋高論遙遙一水濱

湘中送人

宋元詩會 卷之二十一
離謳方揭耳別緒已凄然草蔚湘纍浦花殘蜀魄天疑山晴拂
漢啼竹冷澄烟後夜思君意空歌皓月篇

慧昭大師

已向南宗悟尤于外學精士林傳字法僧國主詩盟初地形容
古彌天語論清因嗤支遁輩徒擅養名

遊水南寺

雙刹聳浮雲層軒絕世塵松溪千蓋雨茶圃一旗春夜梵龕燈
暗朝香篆火新暫來猶永日堪羨白蓮人

暮春

草帶全鋪翠花房半墜紅農家榆莢雨江國鯉魚風堤柳綿爭
撲山櫻火共烘長安少年客不信有衰翁

送岳師歸贛川

千里起歸思儵然物外身海山經處霧梅嶺到時春藥更開新
楮庭應長舊筠年衰重方術聊此送行人

謹吟五十六字攀送仲求殿丞之任贛州竊惟嚴君國博
挂冠歸閒而仲求兄弟為鄰部守倅其榮至矣誠欲賦

述詞不逮意

一門纓組列西雖又見雙旌並訓農三釜親庭交祿養夾河子
舍接鄰封酒闌風雪催行色吟際江山助筆鋒我亦思親求
罷紱東湖南浦好過從

送劉學士知衡州

朱轡新命漢諸侯地阨荆湘占上游醺涿水聲侵古堞祝融峰
色入晴樓晝坐三組鄉邦遇春擁雙旌嶽寺遊番直星垣歸緩
步謫仙通籍著瀛洲

送楊學士益州路轉運

芝函新命直仙蓬，又見岷山叱馭忠。
玉珮曉班辭目下，木牛秋粟轉褒中。
花時井邑蠶叢富，徼外人家棧道通。
竒技刺文頻詔約，此行應更變民風。

思壽陽寓居高氏園亭

嘗借芳園石友家，幽棲無復羨紛華。
敞扉氣爽雲生壁，卷箔香微露泣花。
桂向淮山分月魄，桃從秦洞得仙葩。
別來追想清閒境，悔褫方走棧車。

和邃卿張學士暑夕

危坐空齋暝色低，三金寸伏將西烟。
濛細草流螢度，月上疎林倦鵲棲。
荃葛野裳交羽扇，桔槔鄰圃響疏畦。
中宵爽氣奪炎熱，却笑班姬空慘悽。

送舒太博通判者州

通守方忻再命新，東風疎雨拂行塵。
封疆遠入魚鳥國，岐路正逢蠶市春。
彭蠡曉嵐迎畫隼，錦江晴綠照朱輪。
歸期不待更書至，舊有清名托縉紳。

落花

小園斜日照殘芳，千里傷春意未忘。
金谷已空新步障，馬嵬徒見舊香囊。
鶯來似結啼紅怨，蝶散應知夢雨狂。
清賞又成經歲別，却歌團扇寄迴腸。

送張如京知安肅軍

賜戟銜恩出斗城，塞門迢遞草初青。
新提司馬臨戎節，舊應宸烏近極星。
叔子成吳長綏帶，子歸漢已空庭。
圯橋自得家傳策，不問人間太白經。

和董職方見示初到番禺詩

五方殊俗古難并，千載猶存故越城。
客聽潮鷄迷蚤夜，三更潮上即聳鷄人瞻颯母。
識陰晴波濤洶湧天邊濶，
犀象攔徧徼外生太守。
不才當遠寄，惟憂南畝廢農耕。

遊應聖宮

驅羸遠遠出巖圍，雲構祠宮絕世塵。
伴鶴不知龜甲子，斲山多見藥君臣。
雨昏仙穴丹砂井，雲映樓居玉洞人。
只待策勳書竹帛，抽簪來此卜比鄰。

西山

萬壑千巖鬪物華，椿筇閒訪道生涯。
一壇星斗修真館，數里雲烟斲藥家。
魚戲竹溪寒影碎，路穿松塢翠陰斜。
桃源自有神仙宅，未信明河八月槎。

謝孫抗員外惠酒

白衣遠遠到江樓，報道攜壺助勝遊。
醉眼便堪終日富，離腸先破一春愁。
梅梢背嶺開猶晚，雪片當風舞未休。
此景滿觴方得意，不須千釀敵封侯。

馬當呼鷗不至偶成呈同行諸官

昔年曾泛馬當灣，團飯喚鷗篙楫間。
今日江頭飛不下，應知人世足機關。

端午日寄酒庶回都官

龍舟爭快楚江濱，弔屈誰知特愴神。
家釀寄君須酌酹，古今嫌見獨醒人。

五色雀

羅浮有五色雀，各被方色非時不見。
若士大夫將遊是山，則

先入羣翔寺僧以是為候某庚辰歲謫官來遊將至之夕
雀亦集感之成詠云

五方純色儼依冠應是山靈寄羽翰多謝相逢殊俗眼謫官猶
作貴人看

陳堯佐

字希元蜀閬中人進士及第為魏縣中牟尉參海喻一篇
人奇其志遷秘書郎知真源縣開封府司鐸知壽州歷雨
推官坐言事忤旨降通判潮州召還直史館知制誥
浙轉運副使徙河東京西入為三司戶部副使擢知制誥
史館修撰知通進銀臺入翰林為學士拜樞密副使同中
書門下平章事集賢殿大學士以太子太師致仕贈司
空謚文惠
集三十卷

昭慶寺

湖邊山影裏靜境與僧分一榻坐臨水片心閒對雲樹寒時落
葉鷗散忽成羣莫問紅塵事林間肯暫聳

西湖

附郭水連山公餘獨往還疎烟漁艇遠斜日寺樓閒繫馬芭蕉
外移舟菡萏間天涯逢此景誰信自開顏

吳江

平波渺渺烟蒼菰蒲纒熟楊柳黃扁舟繫岸不忍去秋風斜日
鱸魚香

湖州

苕溪清淺雪溪斜碧玉光寒照萬家誰向月明終夜聽洞庭漁
笛隔蘆花

題湖州韓木亭

侍郎亭下草離離春色相逢萬事非今日江山當日景多情直
擬問斜暉

萼清宮

百首新詩用意精不尤妃子不尤兵須知一向傷心事都為明皇恃太平

呂公著

字晦叔幼嗜學至忘寢食父夷簡器之日他日必為公輔
 登進士第召試館職不就通判太常議起力言稱皇考之非
 獎其恬退除侍讀英文院簡初加閣直漢議起力言稱皇考之非
 改待制兼左乞補中外知蔡州神宗立召為翰林學士知銀臺
 與執政司馬光罷中丞自請解職知開封府青苗法行公著
 以爭司馬光罷中丞自請解職知開封府青苗法行公著
 極言其不便且劾呂惠卿改端明知審官院移疾去起安知
 河陽召為翰林學士承旨改端明知審官院移疾去起安知
 撫定州徙揚州加大學士哲宗立以侍讀還中書侍郎與
 尚書左丞門下侍郎元祐元年拜右僕射兼中書侍郎與
 司馬光同心輔政三年以司空同平章軍國事宋興宰相
 用三公平章重事者纒四人而公著與父居其二論榮
 之夢年七十一獻贈
 申國公諡正獻

分題得瘿壺

天地產衆材任謂之智棖桷與楹杙小大無有棄方者以矩度
 圓者中規制嗟爾木之瘿何異肉有贅生成擁腫姿賦象難取
 類隳括所不施鈎繩為爾廢大匠睨而住惻然乃有意孰非造
 化功而終朽不器剝別虛其中朱漆為之賁軒漿挹酒醴施用
 惟其利犧象非不珍金罍豈不貴設之于楹階十目肯注視幸
 因左右容反見謂奇異飾陋就其長能通天下志

呂公弼附

字寶臣司空夷簡仲子公著之兄也先是司空毅仁崇終
 念之已問知公弼才甚喜識其名於殿柱及擢知成都軍
 府肅然為羣牧使使英宗居藩得賜馬苦劣請易之不可後
 卽位召為三司使日三司主出納我曩請馬為卿不與可守
 是官矣神宗立進樞密使憤新法之病民將為示上力陳其
 不便草奏成未入而從孫呂嘉問預竊其稿以示王安石
 安石怒立出公弼於外任
 呂氏因呼嘉問為家賊云

琴臺

烟樹重城側琴臺千古餘蚤為梁苑客晚向茂陵居賦給尚書
筆歸乘使者車清風靚舊隱長目聳鄉閭

呂希哲附

公著字原明少從諸儒講學絕意進取以父蔭入官終
父喪始授兵部員外郎其妹婿范祖禹嘗于哲宗前言希
哲經術操行可備勸講召為宗政殿說書擢右司諫不拜
黨論起以秘閣校理知懷州分司南京居和州徽宗立以
秘監召改光祿少卿請外知曹州旋遭崇寧黨禍奪職羈
淮泗間十餘年卒其兄希純立朝正直為李清臣所排

大雪侍講筵

水晶宮殿玉花零點綴宮槐拂素屏特勅下簾延墨客不因風

雪廢談經

葉清臣

字道卿蘇州長洲人天聖二年進士主司哥所封策擢第
二宋十以策擢高第者自清臣始也授奉禮郎簽書蘇州
觀察判官出知宣州累遷太平州知州入判戶部勾院改監
鐵判官

院國子監屢上章言事宰相陳執中素不悅清臣出知鄉
閣學士權改潭州使公事宰相陳執中素不悅清臣出知鄉
州因請對時政闕失復召為翰林學士皇祐元年奏備邊
條對極論發大名庫錢以佐邊糴而安撫使賈昌朝格詔不
從策請固爭宰相欲兩中之徒昌朝罷清臣知河
陽卒贈左諫議大夫集一百六十卷

董永

董生少失母老父鰥且貧無田事耕稼客作奉晨昏朝推鹿車
去大樹為庭藩農家乏甘旨糠粃苟自存父歿不得藏粥身奉
九原人道孝為本畝畝知所尊傷嗟世教薄至行豈足論廩祿
厚妻子楸樹遺其親斲吝不抔土因循三尺墳空令丘壑間凜
凜慙英魂

憫農

五月雨未沛吾民耕固遲中秋霜蚤至我稼颯其萎膏澤難苦

晚芄苗惜遽衰盈疇皆批稗卒歲誤京抵國謝三年蓄人悲一
頃其編齊陳牒訢本走失程期縣籍拘常制官征有定規勞歌
不可繼為作憫農詩

送梵才大師歸天詩台

江水望不極楊花江面飛春風自無定遠客又言歸景勝詩逾
老心冥語亦稀從來林下意為謝北山薇

曾致堯

南豐人登進士第官西川安撫文集二百卷以孫布貴追
封密國公子五人易簡易占最知名而輩布肇俱易占之
子

東林

江南楊柳春暖地無塵渡口驚新雨夜來生白蘋晴沙鳴乳雁
芳草醉遊人向晚前山下誰家賽水神

劉氏江樓

劉氏江樓雅詩家不易言春風花對岸夜月水當軒

晁端友

字君成濟州鉅野人少傳晁迥四世孫也工於詩其子補
之及羣從皆承家學有詩名曾倅杭州時蘇軾為通判故
補之年十七即
見知於軾云

蚤行

馬上鷄初唱天涯星未稀驚風時墜笠零露暗沾衣山下疎鐘
發林梢獨鳥飛遠峰烟靄澹迤邐見朝暉

馬處厚席上探得蚤梅

嶺梅何處蚤雪裏看芳菲北陸寒猶在南枝春已歸曉妝初見
妬殘角未成飛引我江頭夢清香憶滿衣

登多景樓

樓上無窮景樓前正落暉開軒跨寥廓覽物極纖微雲破孤峰
出潮平兩漿飛東溟看月上西渡認僧歸木落吳天遠江寒越
舶稀魚龍鄰海窟鷄犬隔淮圻草色迷千古波聲蕩四圍廢興
懷霸業融結想天機浩浩羣流會沈沈百怪依登臨真偉觀回
首重啟欵

仲訥

字樸翁定陶人景祐元年進士由英州防禦推官擢大理
寺丞三遷為尚書屯田員外郎卒年五十五訥喜讀書為
古文詞晚尤好為詩其詩有
名於世蓋王介甫誌之如此

送唐御史

力犯雷霆衆共危遠投魑魅獨為宜忠州學業真無負高廟神
靈固有知自倚聖明容直道未甘憔悴久荒陞滿朝卿相多公
議莫把文章作楚詞

負暄閒眠

茅簷晴日暖如春一枕釣天樂事新滿眼繁華皆得意午眠安
穩却無人

李師中

字誠之楚丘人年十五上封事言時政舉進士知洛川縣
用龐籍薦召對轉太子中允知敷政縣主管經略司文字
提點廣西刑獄召為桂州李大夫不敢名還知濟安二州
化之肖像立祠稱為歷河東都轉運使知秦州王安石意大
遷直史館知鳳翔府與王韶議邊事不合作王安石意出
體波得戰守機宜因瀛州再貶和州團練副使卒年六十
知舒州稍復待制以好大言不容于世王安石知鄆縣時
六師中具王佐才以好大言不容于世王安石知鄆縣時
師中即知其能識也
下蓋有過人之識也

送唐介之貶所

孤忠自許時不與獨立敢言人所難去國一身輕似葉高名千
古重如山並遊英俊顏何厚未以姦諛骨已寒天為吾皇扶社

稷育教夫子不生還
韻詩也蓋謂山寒二字同押云
按稗史唐子方復因路公薦前詩子方魚

揚偕

州軍次公坊州知中汴源縣少調漢州判官於終南山舉進士授坊
 試不赴史進龍著作佐郎為審刑院詳議官歷陝西常縛士殿
 中侍御史進龍著作佐郎為審刑院詳議官歷陝西常縛士殿
 夏竦爭募土兵之非彼此交奏不為少屈進樞密直學士
 知并州所論八陣圖及進神槍劈陣刀朝廷善之其法
 於諸路往賴臣為破賊所劫出知杭州還為右諫議大夫
 乞和許不稱臣為破賊所劫出知杭州還為右諫議大夫
 請老以工部侍郎
 致仕卒有集十卷

罷舍偶書

偃息鈴齋度歲華
 著書人盡笑
 聳牙斯文自信驚
 天地吾道誰
 知繫國家
 獨愛杉篁寒不變
 更憐江海濶
 無涯因思朝市爭名
 地何似優游刺史衙

傅堯俞

字欽之
 本鄆州人
 徙濟源
 未冠登第
 知新息縣
 遷太常博
 士歷監察御史
 於內侍之不
 法者悉劾之
 直聲大著
 英宗
 即位轉殿中
 起居舍人
 上書請太
 后還政
 遂任守忠
 皆
 有力焉
 知諫院
 英宗春遇特
 厚以濮議
 不合
 巧外任出
 知
 和州神宗即
 徙廬州
 王安石與之
 善欲援以
 助己
 虛
 待制處之堯
 俞極論新法
 不便安石怒
 但授直昭文
 館
 俄
 出為河東轉
 運使改知江
 寧府再歲六
 移困於道
 路知不
 為時所容請
 提舉崇福宮
 哲宗立以祕
 監召累陞御
 史中
 丞爭留御史
 張舜民不聽
 請知陳州未
 幾復原
 職元祐四年
 拜中書侍郎
 卒年六十八
 諡獻簡

讀書

吾屋雖喧卑頗不甚
 蕪穢置席屋中間
 坐臥羣書內橫風吹急
 雨入屋灑我背展卷
 殊未知心與古人會
 有客自外來笑我若
 癡昧何致雨侵衣
 屢問我不對必欲窮
 所因起答客亦退聊
 復得此心沾涇寧足
 異

袁陟

宋元詩會 卷之十六 十五 鈔本 存素堂

字趣翁南昌人鹽鐵副使袁抗之子刻勵好學善為詩終殿中丞晚卜居梅嶺之雲溪距麗三十里

宿簡寂觀

名山崇祕祠終夜得清賞真氣溢空浮流泉隨砌響林巒片月散殿閣高風行天際斗杓直庭中盤石橫即陸高真朝斗之石逸人今何之故嶺不改秀白鶴唳松梢青燈見在竇恍追汗漫駕浚悟逍遙言四顧羣動寂寞心歸灝元

再遊雲居

風吹嶺頭樹似欲招行客緣雲過絕頂復見紫霄宅平觀三百里下視八千尺五老鎮相望西岫天與敵可笑培塿羣亦自矜寸碧氛埃轉宇宙雁鷺下川澤危亭據中峰回報竦天壁沈沈古帝坐左右列夔稷舉頭河漢通直欲攀南極合奏天地籟兩耳清歷歷吁嗟萬類微胡為競朝夕安知太清上我方適所適

尚思西嶽路去冬躡雙屐高興挹洪厓大句鼓天力到今巖壑間浩浩起金石安得少陵翁物外講新格重來羈鞅在欲隱世累迫多謝受命松長存歲寒色

宴坐巖

霜露凝空白松杉斂翠陰泉聲月中冷山色暝來淡

宋元詩會卷之十七

皖桐陳

焯默公輯選

後學程

仕松皋叅較

蘇洵

字明允眉州眉山年二十七始發憤為學歲餘應舉不
 中志焚常所為文閉戶益讀書遂通六經百家之說下筆
 頃刻數千言至嘉祐間與其二子既出士大夫爭傳之一
 士歐陽修上其所著書二十篇既出士大夫爭傳之一
 時學者競效蘇氏為文章矣宰相韓琦請于朝召試舍人
 院辭疾不至遂除秘書省校書郎復以霸州文安縣主簿同
 修太常院禮書書成方奏未報卒特贈
 光祿寺丞有文集二十卷謚法三卷

有驥在野

有驥在野百過不呻予不我良豈無他人繫我于廐乃不我駕
 過我不終不如在野禿毛于霜寄肉于狼寧彼我傷寧人不我
 顧無子我忘

朝日載昇

朝日載昇薨薨伊氓于室有績于野有耕于塗有商于邊有征天生斯民相養以寧嗟我何為踽踽無營初孰與我今孰主我
我將往問安所處我

我客至止

我客至止我迎于門來升我堂來飲我罇羞鱉不時罍我不勤
求我何多請辭不能客謂主人唯子我然求子之多責子之深
期子于賢

顏書

任君北方來手出邠州碑為是魯公寫遺我我不辭魯公寔豪
傑慷慨忠義姿憶在天寶末變起漁陽師猛士不敢當儒生橫
義旗感激數十郡連衡鬪來口新造勢尚弱胡為力先衰用兵
竟不勝歎息真教奇呆兄死常山烈士淚滿頤魯公不死敵天

下皆熙熙柰何不爱死再使踏鯨鰭公固不畏死吾寔悲當時
緬邈念高誼惜哉生我遲近日見異說不知作者誰云公本不
死此事亦已奇大抵天下心人人屬公思加以不死狀慰此苦
歎悲我欲哭公墓莽莽不可知愛其平生迹往往或子遺此字
出公手一見減歎咨使公不善書筆墨分訛癡思其平生事豈
忍棄路歧况此宇頗怪堂堂偉形儀駿極有深穩骨老成支離
点畫迺應和閑連不相違有如一人身鼻口耳目眉彼此異狀
貌各自相結維離離天上星分如不相持左右自綴會或作斗
與箕骨嚴髀端重安置無欹危篆鼎兀大腹高屋無弱榻古器
合尺度法物應矩規想其始下筆莊重不自卑虞柳豈不好結
束煩帶羈一車會百木斤斧所易為團團彼明月欲画形終非
誰知忠義心餘力尚及斯因此教幅紙使我重吁嘻

歐陽永叔白叔

飛鷹搏平原禽獸亂衰草蒼茫就擒執顛倒莫能保白兔不忍
殺歎息愛其老獨生遂長拘野性始驚矯貴人織筠籠馴擾漸
可抱誰知山林寬穴處頗自好高飈動槁葉群竄迹如掃異質
不自藏照野明曷曷獵夫指之笑自匿苦不早何當騎蟾蜍靈
杵手自搗

送陸權叔提舉茶稅

君家本江湖南行即鄰里稅茶雖冗繁漸喜官資美嗟君本薦
學寤寐好文字往年在巴蜀憶見春秋始名家亂如髮焚錯費
尋理今來未五歲新傳兩盈几人言欲治易雜說書萬紙君心
不可測日夜湧如水何年重相逢祇益使余畏但恐茶事多亂
子易中意茶易兩無妨知君足才思

丙申歲余在京師鄉人陳景回自南來弃其官得太子中
允景回舊有地在蔡今將治園囿于其間以自老余嘗
有意于嵩山之下洛水之上買地築室以為休息之館
而未果今景回欲余詩遂道此意景回志余言異日可
以知之非戲云爾

岷山之陽土良腴江水清滑多鯉魚古人居之富者衆我獨厭
倦思移居平川如手山水感恐我後世鄙且愚經行天下愛嵩
岳遂欲買地居妻孥晴原漫漫望不盡山色照野光如濡民生
舒緩無天札衣冠堂堂偉丈夫吾今隱居未有所更後十載不
可無聞君獨厭蜀樂上蔡占地百頃無邊隅草深野濶足狐兔
水種陸取身不効誰知李斯頽秦寵不獲牽犬追黃狐今君南
去已足老行看嵩少當吾廬

送王吏部知徐州

東徐三齊之南鄰夫子豈是三齊人辭囂乞靜得此守走鬼入
 數魚投津徐州絕勝不須問請問項籍何去秦江山雄豪不相
 下衣錦遊戲欲及晨霸王事業今已矣但有太守朱兩輪還鄉
 批勢與古並豈有漢戟窺城闈論安較利乃公勝行矣正及汴
 水春

文同

字與可梓潼人漢文翁之後方口秀眉以學名世操韻高
 潔自號笑笑先生善詩文篆隸行草尤工畫竹文彥博守
 成都奇其才司馬光蘇軾尤相敬重軾固同之表弟也
 舉進士官集賢校理知陵州洋州元豐初知湖州至陳州
 宛丘驛忽而不行沐浴衣冠正坐而卒

起夜來

曉牕明綠紗蜀錦壓春卧橫腮虎魄冷驚起新夢破玲瓏轉條

脫縹緲梳倭墮高軸響銀牀時誤君車過

積雨

京師值積雨浮淖皆滿城况當淘汰時左右羅深坑有客南河
 居旦夕隄上行病僕挾羸馬十步八九傾職事有出入長抱落
 胆驚都人素豪恣小官常見輕排闥要穩道歛避不敢爭試欲
 效呵止園目根姓名往往被濺汚直落舌與晴歸來事洗濯袍
 袴分縱橫仰首問天公春澤當早晴幸有好日月何惜施光明

西岡僦居

出官在秦蜀始末凡十年所治得公宇靡不完且堅中堂與夾
 廊角翼相鈎聯領屬僅十口出處皆安便冬夏惡風日侵薄曾
 無緣今年歸中都職事叨磨鉛未免僦屋住敢謂須華鮮西岡
 頗幽僻愛此遠市廛問得王民居十楹月四千牀榻案几外空

處無一椽匭溷及井竈圯壁皆相連經卑須俛首過隘常側肩
所謂十口者日繞蝸殼旋前時大暑中幾不禁祥延鬱若鼎釜
炊局如狴犴攀走蝎過亂蟻飛蚊劇羣蟬今日幸過之復畏明
日然喜見白露節相賀肌肉全如何下淫雨曉夕常綿綿瓦破
榱桷漏柱陷墻垣穿帷供改席坐豈暇安枕眠中庭止數步深
已可載船畫室徒跣行一起復一顛京師費耗地居止寔重遷
俸料計月久外得無幾錢却思已過分僅免親犁田自望于古
人若地而升天小廬焦生高陋巷顏子賢引之諭妻孥吾道宜
此焉猶勝比鄰者寒天無晨煙

翡翠

清晨有珍禽翩翩下魚梁其形不盈握毛羽鮮且光天人裁碧
霞為爾縫衣裳晶熒炫我目非世之青黃愛之坐良久常恐瞥

爾翔忽然投清漪得食如針鉗如是者三四厭飫已一朧既飽
且嬉翻身度回塘飛鳴逐佳匹相和音琅琅是時鳧與鴈狼
藉島嶼旁滿腹醲腥穢紛紛晒晴陽鶯鷓最麤惡嘴大脚脰長
入水捕蛇蟬淤泥亦銜將想其見爾時一喙亦爾傷其心可謂
爾被醉凝華章勸爾慎所止好醜難同鄉行當事深刷帝團參
鸞凰

貧居

繩牀擁敝裯初起髮未櫛南窗展書卷就暖讀寒日門前絕車
馬薄暮垂片席短墻挂織蔓幽鳥啄紅寔羣蝎惡積雨繚繞篆
空壁男兒處貧賤舉首宇宙窄翩翩槍榆鳩宛轉匿絮蟲妻奴
競相笑憔悴守文筆

冷餅

海南有陶器質狀矮而橢云初日炙就鍛鍊不以火水壺醜突
兀酒甌肥礫砢山壘頤微腫石鼎足已跛圓如鴟夷形大比康
銀顆華元腹且嗜王莽口何哆外貢入中原萬里隨大舸携之
五羊市中匱費色裹侏儻誨其效馮辯若炙輶課以沸泉沃冰
雪爰立可炙炎療中渴其用豈么麼君凡幾錢得不惜持遺我
曾將對佳客屢試輒亦果勿云遠且陋幸可置之左

織婦怨

擲梭兩手卷踏繭雙足趼三日不住織一疋絕可剪織處畏風
日剪時謹刀尺皆言邊幅好自愛經緯密昨朝持入庫何事監
官怒大字雕印文濃和油墨汚父母抱歸舍拋向中門下相看
各無語淚迸若傾瀉質錢解衣服賈絲添上軸不敢輒下機連
宵停火燭當湏了租賦豈暇恤襦袴前知寒切骨甘心肩胛露
里胥踞門限叫罵嗔納晚安得織婦心變作監官眼

採蓮曲

綠繡襦紅繡裳衫藍蜂蝶裙鴛鴦雕珉錯寶垂鬢長紫冒翠蓋
行新粧踰躑曲堤下回塘画橈送入波中央羅袖卷起金釧光
搖輕撼脆鼓短芒丹瓊紺玉低復昂霑衰薄粉撲嫩黃蠶腰蛛
絲輕飄揚列坐綵舫求比方笑聲吃吃動明璫挨蒲拂蓼次岸
旁風吹落霞供晚涼西城鷓鴣啼女墻歸來索酒酌滿觴吳屏
蜀帳圍象牀困卧不起燈燭張瑠璃盞岳叢生香

朱櫻桃

金衣珍禽弄樾禁蘂朱櫻斑若纈上幸離宮促薦新藤藍寶籠
貂璫發凝霞作丸珠尚輒油露成津蜜初割君王日午坐倚蘭
翡翠一盤紅鞞鞞

惜花

游蜂採花花氣薄黃鳥啄花花葉落林風吹花花片亂池水浸
花花色惡少年惜花會花意晴張青幃雨油幕勸君直須為花
飲明日春歸空晚萼

採藥歸晚因宿野人草舍

東陟陰深崖巘古夾澗垂泉結鵝乳我來採藥晚忘歸試宿荆
扉問鷄黍春風滿林燈火冷一夜不眠山月苦平明携策下青
蒼松葉紛紛灑新雨

蒲生鍾馗

寒風酸號月慘苦梟飛狐鳴滿墟墓叢棗亂礮翳野霧古社禿
剝倒枯樹下有三鬼相嘯聚初行誰家作痒忤痛熱腫痒快嘔
吐塞噎咽喉脹臍肚呼巫召現使呪翁驚姬忙設賽具茅盤

草船置五路飯盂炙串狼藉布相共收歛各執去方此危生歎
且哺忽爾相視生畏怖有神傑然駕巨牯前呵後擁役二豎此
神取鬼充且暮其腹尚餒色躁怒鬼遙見之悉失措竄匿不暇
相告諭酒傾肉落雜穢汙魂魄飛蕩身僵仆一入木底只四據
一尚把盞愕以頷一自隱蔽挨眦覷神用氣攝縛束固前死入
吻無十步計之嚼噬或味飫蒲生胡為適爾遇画之滿卷無一
誤筆墨醜怪寔可懼持以贈余子何故搔手不取一錢賂他日
乞詩者尤屢試為言之寫其故

往年寄子平

即子瞻

往年記得歸在京日日訪子來西城雖然對坐兩寂寞亦有大
笑時相轟頽子心力苦未老猶弄故態如狂生書窗画壁恣掀
倒脫帽襦帶隨縱橫誼歌詩器文字蕩突不管鄰人驚更呼

宋元詩集
老卒立臺下使抱短簫吹月明清歡居此僅數月夜夜放去常
三更別來七年在鄉里已忝三度移雙旌今茲惛惛意思倦加
以跼跼疾病嬰每思此樂一絕後更不逢人如夜行

遣興效樂天

君莫學楊雲卿奉李宗閔宗閔權勢豈能久君莫學劉栖楚附
李逢吉逢吉祿位寧長守雖然一時身暫好其柰千古名常醜
丈夫讀書要知道所信不為被其誘大張富貴作羅網愚者紛
紛以身就左纏右繞不可脫誅竄還當逐其後君不見虞卿須
遇李固言君不見栖楚終遭韋處厚一朝挫折靈氣盡龍如蛇
分虎如狗勸君聖賢術內好潛心勸君邪佞黨中休入手豈不
知潞州處士田佐時喚與美官嫌不受

田舍

園林曉氣清籬巷夕陽明石竇聞寒碓煙坡見晚耕豚蹄供禱
賽龜殼問陰晴欲識豐年樂村村雞太聲

春閨

枕帶縈春意窗紗漏曉光蠅蛸傷遠別鷓鴣感流芳粧匣蒸殘
粉熏爐試舊香洞房燈燭外只有夢悠揚

書隱者壁

枳棘分三徑猿猴結四鄰茂林修竹地枕石漱流人看雨捲藤
杖迎風卸葛巾我來懷愧甚衣上有紅塵

彭山縣居

公館靜寥寥園亭景物饒溪光明短杓樹影蔭危譙山鳥忽雙
下池魚時一跳主人王事簡文酒日逍遙

屬時梧軒

高梧覆新葉滿院芬華滋白日一何永清陰閒自移暖虫睡到地晴鳥語多時病肘倚枯榻泊然忘所思

睡起

寥寥公館靜門掩似山家竹簟屢移枕石盤頻浸花閒多新得策事少早休衙一覺高春睡誰來伴試茶

過友人谿居

籬巷接菰蒲閒扉掩自娛水蟲行插岸林鳥過提壺白浪搖秋艇青煙盡晚厨主人誇野飯為我煮新蘆

極寒

燈火且冬杪圖書稱夜長簾鉤挂新月窗紙漏飛霜酒醴慙孤官皮毛逐異鄉誰知舊山下梅艷滿東墻

六月十日中伏玉峰園避暑值雨

南園避中伏意適晚忘歸墻外谷雲起簷前山雨飛興餘思秉燭坐久欲添衣為愛東崑下泉聲通翠微

訪李真山人隱居

多暇無所適故來尋隱君寒開壓屋樹觸散擁門雲狀貌不妨古言談何太文令人重高趣歸去每斜曛

面川亭

幽亭最孤絕直入亂叢間近晚獨來此有誰與閒卷簾通大野臨檻數前山便欲教携酒陶然踏月還

山堂偶書

幾日無公事山堂興頗清和詩防積壓丸藥趁清明斲石新稜出澆蔬晚甲生此皆忙外得低首笑塵纓

寄子駿運使

西鄉巴嶺下險道入孱顏使騎到荒驛野禽啼亂山問民青靄裏訪古白雲間幾日南充路新詩滿軸還

且祿昭仁寺後軒

危欄凭經壑欲奈此時何但有夕陽處就中秋色多與誰同徙倚空自吟哦便覺成羈旅歸心逐雁過

寄楞嚴大師

錦官城裏寺一室若雲峰水縮秋吟鼎霜低夜講松住齋塵入鉢出定藪生筇曾聽三摩義居常夢曉鐘

臨闕閣

絕壑迎朱檻高林拂画楹卷簾千嶂遠入座一川平峴采緣雲斷霞光射水明不須誇曠望為語謝宣城

東谷茅齋

野徑轉深密靜無車馬痕松花金粉墮茗葉翠茸翻虫鳥春音雜煙雲晚色昏俗塵何處入長是掩谿門

梅

寒梅引舊枝映竹復臨池朶露深開處香聞暫過時凌兢侵臘雪散漫入春詩贈我歲寒色憐君冰玉姿

宿雲屏山寺

翠嶺聳雲端峴峴走復蟠客從塵外入僧向画中看月上千崑碧風生萬木寒平時惜歸去猶待一凭欄

野逕

山圃饒秋色林亭近晚晴禽蟲依月令藥草帶人名排石鋪衣坐看雲緩步行官間惟此樂與世欲無營

寄張郎中

常媿無才動有權十年鄉里但畱連
養成答颯人應笑學得支離自謂賢
三館舊遊層漢上一麾今守亂峰前
幸遊別駕如張軌免對蘇章說二天

楊山人歸綿竹

一別江梅十度花相逢重為講胡麻
火鈴未降真君宅金鈕曾盟大帝家
道氣滿鬢凝綠髮神光飛鼎護黃芽
青驪不肯畱歸馭又入無為噤曉霞

依韻和張推官元夕

山郡上元榮樂事大開金地作遨場
煙雲向曉誰教霽燈燭乘春自有香
紫陌熒煌隨步遠綵棚佳麗鬪眉長
遊人莫惜酬高直買取銀蟾一寸光

紅樹

萬葉驚風盡卷收獨餘紅樹擬禁秋
已疑斷燒生前嶺更共殘霞入遠樓
楓岸最深霜未落柿園渾變雨初休
勸君莫上青山道裝点行人分外愁

送王恪司門知絳州

絳守園池天下誇紹述有記詞聲牙
蒼官青士左右樹神君仙人高下花
遠水依然尚鈎帶舊門想已無鞞槌
自憐俗狀不能到此去羨君專宴衙

送張宗益工部知相州

學術深沈久未施登臺省世方知
詩章好奏周文廟字法宜摩魏武碑
禁掖便當提大筆名藩猶是擁高麾
應憐共試金坡者答颯渾如鄭鮮之

依韻和蒲城之春日即事

輕煙漠漠雨斜斜無事常教放兩衙問客江邊求好石倩人山裏覓奇花新蔬宛宛生晴圃淺澗涓涓出暖沙入夏盃盤須佳餽繞畦清灌邵平瓜

北齋雨後

小庭幽圃絕清佳愛此常教放吏衙雨後雙禽來占竹秋深一蝶下尋花喚人掃壁開吳画畝客臨軒試越茶野興漸多公事少宛如當日在山家

送潘司理秘校

已自多時賦式微五峰佳景夢長飛四年遠地為官去萬里高堂喜客歸下馬便呈新授勅開箱爭認舊縫衣鄉人覓次來相賀蓴菜鱸魚正輒肥

山城秋日野望感事書懷詩呈吳龍圖

已是秋陰更夕曛亂山高下起寒雲危樓願見客何處遠笛不知人厭聞身外流年波渺渺眼前生事葉紛紛此愁萬斛誰量得直得重拈庾信文

成都楊氏江亭

汀洲煙雨卷輕霏遙望軒窗隱翠圍萬嶺西來供曉色一江南下載晴暉鳧鷖慣入關千宿魚蟹長隨蚱蜢歸我亦舊多滄海思幾時如此傍苔櫂

晚至村家

高原磽确石徑微籬巷明滅餘殘暉舊裾飄風採桑去白谿卷水秧稻歸深葭繞澗牛散卧積麥滿場鷄亂飛前谿後谷暝煙起稚子各出關柴扉

早晴至報恩山寺

山石嶢嶢磴道微拂松穿竹露沾衣煙開遠水雙鷗落日照高
林一雉飛大麥未收治平圃晚小蚕猶卧斫桑稀暮煙已合牛
草下信馬林間步月歸

運判南園瞻民間

青都高與紫霄通獨此危欄望不窮萬嶺迫雲秋色裏一峰擎
雪夕陽中欄楹曉落天倉月窗戶晴吹石闕風民吏安閒財賦
足管絃時復在層空

觀音怪松

怪松屢見無如此每度來觀說向僧若遇風雷宜守葢恐生頭
角便飛騰秋聲遶殿隨齋磬夜影侵廊對佛燈韋偃畢宏今不
在欲求人画有誰能

提葫蘆

花開已堪摘酒熟正欲沽山禽會人意勸我提葫蘆

獨坐

不報門前賓客已收案上文書獨坐水邊林下宛如故里間居

鷺鷥

避雨竹間點點迎風柳下翻翻靜依寒寥如画獨立晴沙可憐

北郭

繞樹垂蘿蔭堤曲暖煙深處亂禽啼何人來此共携酒可惜拒
霜花一溪

讀史

不得滎陽遂失秦始知成敗盡由人可憐一擲羸天下只使黃
金四萬斤

郡學鍊宿

長栢高栢蔭廣庭夜凉人靜夢魂清不知山月幾時落每到曉
鍾聞雨聲

長舉驛樓

爽氣浮空紫翠濃隔江無限有奇峰君如要識營丘画請看東
頭第五重

折楊柳

垂楊百尺臨池水風定煙濃盤不起欲折長條寄遠行想到君
邊已憔悴

楊甲

字鼎卿四川重慶府昌州人今大足縣西著有六經圖藏州學中

出東郭見山

二年不見山見之喜不休舉手三揖之山遠不領頭疑我墜塵

土已與俗同儔稍稍望雲脚下見八九邱近前與之笑顏色漸
和柔迎我以松風與我相 酬憐我不識路導以溪水流豈其
終愛予為此世所仇一官最下策色裏辱與羞百年在平地亦
有一日憂誰能無飢渴往與青山謀

合江泛舟

莫踏街前塵寧飲城東水江邊放船去葦間問漁子岸深魚有
家鳧雁在中止得酒可以歌得樹可以艤年年舟中客顏色不
相似風波無前期遊者亦如此短篙醉時策遠山卧後几老我
不柰醒日落西風起

謁朱真人詞

一濯巖下溪再拜巖中庭清風滿然來吹我衣上腥仙人芙蓉
冠乘月下雲軒山空雜佩響靜夜朝百靈寂寞古壇外但見斗

與星青山無行迹露雨空冥冥

遊長松寺宿石門僧

疾風吹輕衣駕我雲脊路人間一回首驚絕不敢顧烏投虛無
底渺渺不知處蜂窠蟻邱垤與世同所驚試看一蒼莽誰有不
平憲尚憐野僧屋佛面荒苔蠹斷崖劃呀吻洶洶崩石怒我來
得奇觀枉杖叩巖樹青山有驕色斯客不能勾平生二三子慰
我一相遇娟娟松間月幽夕亦可度夜闌更小語風逼遺響去
酌君無多酒繼以木蘭露

臘日遊梅龍得樹字

年年看梅水西路白頭溪翁眼如故重來攀髯老不死我亦風
埃憶歸去酒酣百怪入我腸夜半恍惚與龍遇醉騎一尾天上
歸陳迹江頭不知處梅花勸汝一杯酒千歲寒凝真旦暮欲將
老大傲風雪穴蟻窠虫已無數成都萬事更奇古石筍猶疑鄉
相墓孔明廟前栢千尺神物脩脩泣幽樹他時滅壞亦同歸人
生誰能一長頤

靈泉山中 五首

小縣相籠合濛濛數百家果蔬爭晚市樵牧亂晴沙落日平江
迴青山細路賒偶居無事在隨意問桑麻
勝地仙靈宅微官也謫居焚香他日夢隱几向來書小睡便山
雨長齋稱野蔬遊人問無恙滿意說樵漁
何處長松寺雨花雲外臺山從百曲轉路入九閩回老檜成龍
畫殘柯借鶴來人間斤斧亂風壑夜聲哀
野色山圍盡風煙更可憐客情牛鐸外農事藕花前聚汲松根
井寬愁石底泉雲安須斗水詩興亦超然

日下叢林薄草草肅晚暉閉門成小隱飲水亦生肥醉著溪藤
杖歸來木葉衣狂歌有虎兕吾道只應非

何耕

字道夫任潼州提刑
詩見四川名勝志

青茅宮

一再官錦城咫尺望琳宮未始得得來正坐役役中今朝弄晴
雨策蹇隨春風頗愛意象古停驂小從容縹緲百尺臺窳起凌
半空憑欄俯修竹決皆明孤鴻信哉神仙宅不受塵垢蒙稽首
五千言衆妙一以通靜觀萬物復豈假九轉功區區立訓誥亦
晒河上公癡人慕羽化心外求鴻濛要騎白鶴背往訪青羊蹤
題郭信可隱居雲溪
幽居定何如頗恨未見之主人向我言喜色融雙眉修篁流翠

陰寒溪漾清漪領略非一缺幽研谷餘姿

龍淵

門前大江何渺漫昔人飲牛水為乾水乾龍逝亦其理近在咫
尺聊泥蟠魚蝦玩侮獮獠笑縱有靈怪誰當看德人問舍壓吾
境便爾築室相遮攔坐令異類皆屏伏恃有此耳差少安却紆
朱紱去監郡遣我守舍良獨難昨來過門恍如夢龍致此語催
歸鞍先生不信反不笑謂我饒舌狂豐干

虛舟

君不見江皋車馬紛相送巨輪戔戔盈載重西南使者解官歸
水淺著沙牽不動如君材具豈多得合待明光參法從胡為淺
瀨著虛舟頗肖胸中太空洞問君此意竟安在欲說向人誰與
共山林鐘鼎本同轍繫岸截江隨所用八窗窅窅淨無塵一水

冷冷清可弄何當抱被過君眠分破江天幽夜夢

自合江亭過渡觀趙氏園亭

喚舟芳草渡繫馬綠楊陰步入莓苔徑門開花竹林王孫隨蝶
遠發女隱雲深想見西南望悠悠空賞心

春日二首

寂寞城南寺三年寄索居折花修佛供持鉢乞僧餘竟日無車
騎依時認鼓魚九衢塵一尺吾自有華胥

門前無俗物城上亦奇觀花浪東流穩雲山西望寒身凌塵外
遠目極竟中寬最愛風標客晴沙理素翰

寒碧亭

凭欄日日俯清漪洗竹年年斬惡竿十頃瑤瑤秋色靜一林竿
籟曉聲寒涼風有意生天末明月無邊照水端誰謂過清難久

處愚溪元自不相安

遠色閣

小小樓居著散仙淵明真趣本悠然招呼雲月欄干曲顧揖江
山拄杖前獨鳥倦歸翻落日誰家晨爨起疎煙根塵應接無畱
礙笑殺西來面壁禪

龍華大像蓋莫國夫人所作因成兩絕

慧性元從戒定熏百花潭水浣僧^裙箇中力量真起絕故老猶
傳娘子軍

生男箇箇欲如狼婦女軍中氣不揚試問爭功嗔目士幾人能
敵浣花娘

[Faint vertical text columns, likely bleed-through from the reverse side of the page]



